



册府元龜

卷之五百四
至六



13
849
168



門 4 3
849
卷 168

册府元龜

淮南李嗣京叅閱

西極文翔鳳訂正

豫章黃國琦較釋

邦計部 二十二

權酤 關市 絲帛

權酤

周官萍氏之職掌幾酒謹酒之事蓋所以察其過多失時而使民節用也漢初或歲之不登人至艱食慮其糜穀乃申禁止天漢之年爰建權法官設酤釀籠

册府元龜 邦計部 卷之五百四



取其利其後郡國舉士議以當罷公車上書稱其非
便布在方策論之詳矣若乃稽古立政因時創制災
沴薦作寶穀而貴農游惰尚衆懲奸而革弊於是頒
一切之法崇務本之道斯可矣至於析秋毫之心計
峻金科之刑典茲固異夫成周設官之旨也

漢景帝中三年夏旱禁酤酒

後元平夏令民得酤酒

武帝天漢三年二月初榷酒酤

榷音較以木渡水曰
榷謂禁民酤釀獨官
開直如道路設木為榷獨取其利也榷者步渡橋崗
兼謂之石柱今之畧杓是也禁開其事總利入官而
下無繇以得有若渡水之榷因
立名焉酤音工獲切杓音酌

昭帝元始六年二月詔有司問郡國所舉賢良文學

民所疾苦議罷鹽鐵榷酤七月罷榷酤官令民得以

律占租律請當上租者家長身各以其物占占不以
實家長不身自書皆罰金二斤沒入所不自

占物及買錢縣官也占謂自隱度其實定其辭也占
音章贍切下文言占名數其義並同今猶謂徵訟之
辨曰占皆其意也蓋武帝時賦
斂繁多律外而取今始復舊賣酒升四錢時桑弘

年為御史大夫與丞相田千秋共奏罷酒酤

元帝時賈捐之上書言文帝時人賦四十丁男二年

而一事至武帝民賦數百造鹽鐵酒榷之利以佐用

度猶不能足而人困矣

王莽時羲和魯匡言酒酤獨未幹幹謂主
領也酒者天之

美祿帝王所以願養天下饗祀祈福扶衰養疾百禮之會非酒不行故詩曰無酒酤我

小雅伐木之詩也酤買也言王於族

人恩厚要在燕飫而論語曰酤酒不食二者非相反也夫詩據承平之世酒酤在官和旨使人可以相御

也言是美也論語孔子當周衰亂酒酤在民薄惡不誠是以疑而弗食今絕天下之酒則無以行禮相養

放而亡限則費財傷民請法古今官作酒以二千五百石為一均率開一盧以賣

盧者賣酒之區也以其一邊高形如鍛家盧故

取各耳釀五十釀為準一釀用麴米二斛麴一斛得成

酒六斛六斗各以其而片剉米麴三斛并計其賣而

參分之參三也以其一為酒一斛之平除米麴本計

其利而什分之以其七入官其三及糟醎灰炭醎醎漿也

給工器薪樵之費義和置命士督五均六幹郡有數

人皆用富賈雒陽薛子仲張長叔督臨菑姓偉等姓

名偉也乘傳求利交錯天下因與郡縣通姦多張空簿

簿計簿也府藏不實百姓愈病莽知民苦之復下詔曰夫

鹽食肴之將將大也一說為將帥酒百藥之長嘉會之好

鐵田農之本名山大澤饒衍之藏五均賒貸百姓所

取平印以給贍鐵布銅冶通行有無備民用也此六

者非編戶齊民所能家作家謂家家自作也必印於市雖貴

數倍不得不買豪民富賈卽要貧弱先聖知其然也故幹之每一幹爲設科條防禁犯者辜至死奸吏猾民並侵衆庶各不安生

後漢和帝永元十六年二月詔兗豫徐冀四州比年雨多傷稼禁酤酒

順帝漢安二年十月禁酤酒

桓帝永興二年九月丁卯詔以水旱禁郡國不得賣酒祠祀裁足

魏國初建時科禁酒

蜀先主時以天旱禁酒釀者有刑

晉孝武帝太元八年十二月庚午以寇難初平開酒

禁

安帝隆安五年以歲饑禁酒

義熙三年二月己丑大赦除酒禁

後趙石勒以百姓始復業資儲未豐於是重制禁釀郊祀宗廟皆以釀酒行之數年無復釀者

宋文帝元嘉十二年六月禁酒

二十年正月乙亥南徐南豫州揚州之浙江江西並

禁酒

二十二年九月乙未開酒禁

南齊武帝永明十一年五月詔曰水旱成災穀稼傷
弊凡三調衆逋可同申至秋登京師二縣朱方姑熟
可權斷酒

陳文帝天嘉二年十二月甲申太子中庶子虞荔御
史中丞孔奐以國用不足奏立煮海鹽傳及權酷之
科詔並施行

後魏文成太安四年正月丙午始設酒禁是時年穀
屢登士民多因酒致酗訟或議工政惡其若此故一
切禁之釀酷皆斬之

獻文卽位開酒禁吉凶賓親則禁有日

東魏孝靜帝天平四年閏九月禁京師酷酒

元象元年四月開酒禁

北齊武成帝河清四年二月以年穀不登禁酷酒

後主天統五年十月壬戌詔禁造酒

武平六年閏八月辛巳開酒禁

隋文帝開皇三年以周末之弊官置酒坊至是罷酒
坊與百姓共之

唐高祖武德二年閏二月詔曰酒醪之用表節制於
歡娛芻豢之滋致肥其于豐衍然而沉湎之輩絕業
亡資惰窳之民騁嗜奔恣方今烽燧尚警兵革未寧

年數不登市肆騰踊迺末者衆浮冗尚多有羞麴蘖重增其費救弊之術要在權宜關內諸州官民具斷屠酷

高宗咸亨元年七月庚戌粟麥貴斷五熟雜食酷酒
玄宗先天二年十一月禁京城酷酒歲饑故也

肅宗乾元元年三月詔曰爲政之本期於節用今農工在務廩食未優知聞京城之中酒價尤貴但以麴蘖之費有損國儲游惰之徒益資廢業其京城內沽酒卽宜禁斷麥熟之後任依嘗式

二年十月禁沽酒除光祿供進祭祀及宴蕃客外一

切禁斷

代宗寶應二年三月以秦陵乾陵發引詔禁酷酒

廣德二年十二月詔天下州縣各量定酷酒戶隨月納稅除此之外不問官私一切禁斷

德宗以大曆十四年五月卽位七月罷天下權酒

建中三年閏正月初權酒天下悉令官釀斛收直一千米雖賤不得減二千委州縣綜領醕薄私釀罪有差以京師王者都特免其權貞元二年十二月度支請於京城及畿縣行權酒之法每斗權一百五十其酒戶並蠲免差役從之

憲宗元和二年正月制酤酒及雜權率並同禁斷
六年六月京兆府奏權酒錢除出正酒戶外一切隨
兩稅青苗錢據貫均率從之

十四年七月湖州刺史李應奏先是官酤代百姓納
權歲月既久為弊滋深伏望許令百姓自取酤登舊
額仍許入兩稅隨貫均出依舊例折納輕貸送上都
許之權酒錢舊皆隨兩稅徵衆戶自貞元已來有土
者競為進奉故上言百姓困弊輸納不克請並
官坊酤酒以代之既得請則嚴設酒法間聞之人舉
手觸禁而官收厚利以濟其私為害日久矣及李應
奏罷議者謂宰臣能因湖州之
請准為天下之法則其弊革矣

穆宗以元和十五年正月即位閏正月浙西觀察使

竇易直奏當道舊例官酤酒代百姓納權去年湖州
刺史李應奏請罷當州官酤代百姓納權庶戎鎮易
為安撫疲人免輸權利勅曰不酤官酒有益疲人管
內六州皆合一例宜並准湖州勅處分議者是李應
而非易直

長慶元年正月制權酒錢有已分配百姓處又置酒
店官酤并諸色權率切宜禁斷
三年王仲舒出為江西觀察奏罷犯權酒之罪以官
錢三萬貫代貧戶輸稅

文宗太和四年七月湖南觀察使韋詞奏前使王公

亮奏請權麴收其贏利將代上供臣到州察訪自停加配閭里稍安人戶逃者亦漸歸復但藏挾頗易挂陷頗多兼當州土宜少有麴麥州司遠處求糴般運甚難伏請却停權麴任商旅將至當州州司准權酒元勅及洪州鄂州流例於州縣津市官酤以代人戶配額可之

五年正月江西觀察使裴誼奏當道從太和元年觀察使李憲以軍用不充奏請禁百姓造酒官中自酤吏緣爲奸酒味薄惡老病生產盡不堪任公開俸門私謗盈路臣叨膺重寄合務使人請停官酤任自醞造臣請諸色方圓節儉與使軍用濟便人無怨咨可之

六月誼又奏洪州每年令送省權酒錢五萬貫文舊例百姓醞造其錢依前例隨百姓兩稅貫頭均納當管洪州停官店酤酒其錢已據數均配訖並不加配業戶從之

八年二月詔京邑之內本無權酤屬貞元用兵之後費用稍廣始定店戶等第令其納權况萬方所聚私釀至多禁令旣不可施權利自無所入徒立課額殊非惠人其長安萬年兩縣見徵權酒錢一萬五千一

十貫八百文若先欠者並宜放免其權酒錢起今亦
宜停
武宗會昌六年九月勅揚州等八道州府置權麴并
置官店酤酒代百姓納權酒錢并充資助軍用各有
權許限揚州陳許江州襄州河東五處權麴浙西浙
東鄂岳三處置官酤酒如聞禁止私酤過聞嚴酷一
人違犯連累數家閭里之間不免咨怨宜從今以後
如有私酤酒及買私麴者但許罪止一身并所由容
縱任據罪處分鄉井之內如不知情並不得追擾其
所犯之人任用重典兼不得沒入家產

聖太祖開平三年十一月勅許諸道州府百姓自造
麴官中不禁

後唐明宗天成三年七月詔曰應三京鄴都諸道州
府鄉村人戶自今年七月後於夏隴田苗上每畝納
麴錢五文足陌一任百姓自造私麴醞酒供家其錢
隨夏秋徵納其京都及諸道州府縣鎮坊界內應逐
年買官麴酒戶便許自造麴醞酒貨賣仍取天成二
年正月至年終逐戶計算都買麴錢數內十分只納
二分以充權酒錢便從今年七月後管數徵納權酒
戶外其餘諸色人亦許私造酒麴供家卽不得裏私

賣酒如有固違便仰糾察勒依中等酒戶納權其坊
一任酷賣不在納權之限其麴勅命到後任便踏造
如賣麴酒戶中有去年曾賣麴今年因事不辨買麴
任開店者則與出落如觀新勅有情願開店投權者
則不計舊戶便令依見納錢中等戶例出權以後酒
戶中有無力開店賣酒亦許隨處陳狀其舊納麴錢
並宜停廢應諸處麴務據見管麴亦仰十分減八分
價錢出賣不得更請官本踏造
時孔循以麴法殺一
家於雒陽或獻此議
以為愛其人便
於國政行之

長興元年二月赦書節文諸道州府人戶每秋苗一

畝上元徵麴錢五文今後特放二文只徵三文

二年五月詔曰酒醴所重麴藥是先頃緣賣價太高
禁條頗峻士庶因斯而抵犯刑名錄是以滋彰爰行
改革之文庶息煩苛之政各隨苗畝量定稅錢訪聞
數年已來雖犯法者稀而傷民則甚蓋以亂離日久
貧下戶多纔過昇平且勤稼穡各務耕田鑿井孰能
枕麴藉糟既隨例以均攤遂抱虛而輸納漸成凋弊
深可憫傷况欲致豐財必除疇病有利之事方切施
行無名之求尤宜廢罷但得日新之理何辭久改之
嫌應三京諸道州府苗畝上所徵麴錢等便從今年

夏並放其麴官中自造委逐州減舊價一半於在城
撲斷貨賣除在城居人不得私造外鄉村人戶或要
供家一任私造勅下之日人甚悅之

是年七月三司奏諸道州府申論先有勅命許百姓
造麴不來官場收買伏慮課額不追請准已前麴法
百姓與在城條法一例指揮從之仍據百姓已造到
麴令送納入官量支還麥本

周太祖廣順元年九月詔改麴法凡犯五斤已上者
處死先是漢法不計斤兩多少並處極刑至是始革
之

周世宗顯德四年七月詔曰諸道州府麴務今後一
依往例官中禁法賣麴逐處先置都務候勅到日並
仰停罷據見在麴數俟時踏造候人戶將價錢據數
給麴不得賒賣抑配與人應鄉村人戶今後並許自
造米醋及買糟造醋供食仍許於本州縣界就精美
處酤賣其酒麴法條依舊施行先是自晉漢已來諸
道州府皆權計麴額置都務以酤酒民間酒醋例皆
醕薄世宗知其弊故令改法

關市

周禮司關掌國貨之節神農爲市致天下之人故出

入有征交易而退將俾人知禁而物有平也自漢興已還國用斯廣故察其過所謹其貨財譏訶偽遊以重其明禁增加賦算以給乎有司斯亦因時有為以助經費者也自茲厥後蓋無改焉

周文王治岐關市譏而不征開以譏察非嘗不征稅也

齊桓公踐位十九年施關市之征正賦五十而取一其

貨財五十一

漢文帝十年三月除關無用傳

景帝四年春復置諸關用傳出入

孝武元光六年初算商車

元狩四年冬初算緡錢先是公卿言商賈滋衆貧民

蓄積無有皆仰縣官異時算輶車賈人之緡皆錢有

差小請算如故緡絲也用以貫錢每貫千錢出二十為算也諸賈人末作

賈貨買賣居邑貯積諸物賈賒也貨假與也及商以取利者

雖無市籍各以其物自占占之贍切占隱度也各隱度其財物多少而為名簿

送之於官率緡錢二千而算一計其有二千錢則出算一諸作有租乃

鑄以子力所作率緡錢四千而算一非吏比者三老

北邊騎士輶車一算此例也身非為吏之例非為三老非為北邊騎士而有輶車皆

令出商賈人輶車二算船五丈以上一算匿不自占

占不悉成邊一歲沒入緡錢有能告者以其半畀之

有不輸稅令人得告以半與之也

太初四年徙弘農都尉治武關稅出入者以給關吏

卒食漢書地理志弘農郡有故丞秦函谷關上黨郡有上黨關壺口關石研關天井關并柯郡有佳

蒲關進桑關巴郡魚復有江關都尉治嫩煌郡有陽

關玉門關代郡有五原關蒼梧郡有離水關荔平關

合浦郡有

天漢二年冬十一月詔關都尉曰今豪傑多遠交依

東方羣盜其謹察出入者舊制入關皆用傳傳法因

以為符信買符也郭丹從宛人陳裂繻帛分半後復出合之

兆買入關符既入關封符乞人也

後漢章帝元和二年冬十一月壬辰日南至初閉關

梁易曰先王以至日閉關商旅不行又後漢書志河

南有函谷關左右絕岸十丈中容車有轅轅關有

銅關弘農郡有潼關河南有武牢關中

山有馬鞍關閿陽安關南陽有武關

魏文帝初嗣魏王位下令曰關津所以通商旅設禁

重稅非所以便民其輕關津之稅皆復什一

晉元帝自過江凡貨賣奴婢馬牛田宅有文券率錢

一萬輪估四百入官賣者三百買者一百無文券者

隨物所堪亦百分收四名為散估又都西有石頭津

東有方山津各置津主一人直水五人以檢察禁物

及亡叛者其荻炭魚薪之類小津者並十分稅一以

入官其東路無禁貨故方山津檢察甚簡淮水北有

大市百餘所小市十餘所大市備置官司稅歛既重

丹州府志 那計部 卷之五十四 十三

特甚苦之

孝武寧康元年詔除丹陽竹格等四枘稅

晉書地理志河南郡

有函谷關成臯關鄂阪關弘農有函谷舊關上雒有曉關汲郡有銅關武昌郡有益口關

宋孝武帝大明八年詔曰東境去歲不稔宜廣商貨遠近販鬻來者可停道中雜稅其以仗自防悉勿禁顧憲之字士思後廢帝元徽中為東中郎長史行會稽郡事時齊武帝於餘姚立邸頗縱恣憲之至郡除之西陵戍主杜元懿以吳興歲儉會稽年登商旅往來倍歲西陵牛墪稅官格日三千五百元懿加至一倍計年長百萬浦陽南北津及柳浦四墪乞為官領

攝一年格外長四百許萬武帝以不會稽郡使陳得失憲之議曰尋始立牛墪之意非苟通餽以納稅也當以風濤迅險人力不捷屢致膠溺濟急以利物耳既公私是樂故輸直無怨京師航渡即其例也而後之監領各務已功互生理外或禁遏別道或空稅江行或撲船倍價或力周而猶責凡如此類不經墪煩牛者上詳被報蒙停格外十條從來喧訴始得暫弭案吳興頻歲失稔今茲尤饑去乏從豐良繇饑棘或徵貸買粒還拯親累或提携老弱陳力餬口墪司責稅依俗弗降舊格新減尚未議登格外加倍將以何

術皇慈恤隱振廩蠲調而元懿幸災權利重增困瘼人而不仁古今共疾且比見加格置市者前後相屬非唯新加無贏並皆舊格有關愚恐元懿今啓亦當不殊若事不副言懼貽譴詰便百方侵苦爲公賈怨元懿稟性苛刻已彰徃効任以物土譬以狼將羊其所欲舉腹心亦當獸而冠耳書云與其有聚斂之臣寧有盜臣言盜公爲損益微斂民所害乃大也然掌斯任者應廉簡平則無害於人愚又以便宜者蓋謂便公宜於人也竊見頃之言便宜者非能於人力之外用天分地者也率皆卽日不宜於人方求便於公

名與實反有乖政體見如此等誠宜深察山陰一縣課戶二萬其入貲不滿三千者殆將居半刻又刻之猶且三分餘一凡有貲者多是士人復除其貧極者悉皆露戶役民三五屬官蓋惟分定百端輸調又則嘗然比衆局簡較首尾尋續橫相質累者亦復不少一人被攝十人相迫一緒裁萌千葉互起蠶事施而農業廢賤取庸而貴舉責應公瞻私口不暇給欲無爲非其可得乎死且不憚矧伊刑罰身且不愛何況妻子是以前檢未窮後巧復滋禁網徒峻猶不能悛竊尋人之多僞寔繇宋季軍旅繁興役賦殷重不堪

勤劇倚巧祈優積習生嘗遂迷忘反四海之大庶黎
之衆心用參差難卒澄一化宜以漸不可疾責誠存
不擾藏疾納滂務詳寬簡則稍自歸淳又被簡符前
後年月久遠其事不存符旨既嚴不敢闢信縣簡送
郡郡簡呈使殊形詭狀千變萬源聞者忽不經懷見
者寔足傷駭兼親屬里伍流離道路時轉寒涸事方
未已其士人婦女彌難厝衷不簡則疑其有巧欲復
未知所安愚謂此條宜委縣簡保舉其綱領畧其毛
目囊漏不出貯中庶嬰疾沉痾者重荷生造之恩又
永興與諸暨罹唐寓寇擾公私之殘燼彌復特甚儻

逢水旱寔不易思俗諺云會稽打鼓送恤吳興步擔
令史會稽舊稱沃壤今猶若此吳興本是塔上事在
可知因循餘弊誠宜改張武帝並從之錄是深以方
直見知

後魏孝明孝昌三年閏十一月稅市出入者各一錢
店舍爲五等前廢帝初卽位詔稅市及稅監之官悉
廢之

北齊後主武平六年以軍國資用不足稅關市舟車
山澤鹽鐵店肆重輕各有差

時黃門侍郎顏之推奏請開府鄧顯贊成之後

至大悅於是以其所入以供御

府聲色之費軍國之用不在此

卷之五十四

後周閔帝元年初除市門稅

宣帝大象二年復稅入市者人一錢

隋高祖初爲周相除入市之稅

唐太宗武德九年八月甲子卽位是月壬申詔曰遠至邇安昔王令典通財鬻貨生民嘗業關梁之設襟要斯在義止懲奸無取苛暴近代拘刻禁禦滋彰因山川之重阻聚珍奇而不出遂使商旅寢廢行李稽留上失博厚之恩下蓄無聊之怨非所以綏安百姓懷輯萬方化洽井平克隆至治者也朕君臨區宇情深覆育率土之內靡隔幽遐使公私往來道路無壅

縣實交易中外匪殊思改前弊以諧民俗其潼關以東緣河諸關悉宜停廢其金銀綾等新物依格不得出關者並不須禁

高宗顯慶二年十二月十九日雒州置北市隸太府寺並不須禁雒州南面北面各置關

武后天授二年七月九日勅其雍州已西安置潼關卽宜廢省

三年四月十六日神都置西市尋廢

長安元年十一月二十八日廢京中市

二年二月有司表請稅關市鳳閣舍人崔融深以爲

不可上疏諫曰伏見有司稅關市事條不限工商但
是行旅盡稅者曰臣謹案周禮九賦其七曰關市之
賦竊惟市縱繁雜巧通未遊欲令此徒止抑所以減
增稅賦臣謹商度今古料量家國竊將爲不可稅謹
條事跡如左伏惟聖旨擇焉往古之時醇樸未散公
田籍而不稅關防譏而不征中代已來澆風驟進桑
麻疲弊稼穡辛勤於是各徇通財爭趨作巧求徑捷
之欲速忘歲計之無餘遂使田萊日荒倉廩不積蠶
織休廢弊緼闕如饑寒猥臻亂離斯瘼先王懲其若
此所以稅關者也唯歛出入之商賈不稅往來之行

人今若不論商人通取諸色事不師古法乃任情悠
悠末代於何瞻仰濟濟盛朝自取嗤笑雖欲憲章姬
典乃是違背周官臣知其不可一也臣謹按易繫辭
稱庖羲氏沒神農氏作以日中爲市致天下之人聚
天下之貨交易而退各得其所班志亦云財者帝王
聚人守位養成羣生奉順天德理國安人之本有士
農工商四人有業學以居位曰士闢土殖穀曰農作
巧成器曰工通財鬻貨曰商聖王量能授事四人陳
力受職然則四人各業久矣今復妄得動而搖之蕭
何又云人情一定不復動搖傳又云曹叅相齊國安

集大稱賢相參去屬其後相曰以齊獄市爲寄慎勿
擾也後相曰理無大於此者乎參曰不然夫獄市所
以辨容也今君擾之姦人安所容乎吾是以先之大
獄市兼受善惡若窮之姦人無所容竄久且爲亂秦
人極刑而天下叛以道化其本不欲擾其末臣知其
不可二也四海之廣九州之雜關必據險路市必憑
要津若乃富商大賈豪宗惡少輕死重氣結黨連羣
暗鳴則彎弓睚眦則挺劍小有失意且猶如此一旦
變法定是相驚乘茲困窮或致騷動便恐南走越北
走胡非唯流逆齊人亦是攬擾殊俗人如邊徼之地

爲隣與胡之旅歲月相繼儻因科賦致有猜疑
一從散亡何以制禁求利雖切爲害方深而有司上
言不識大體徒欲益帑藏助軍國殊不知軍國益擾
帑藏逾空臣知其不可者三也孟軻有云古之爲關
也將以禦暴今之爲關者將以爲暴今行者皆稅來
者同流且如天下諸津舟航所聚旁通巴漢前指闕
越七澤十蕞三江五湖控引河雒兼包淮海弘舸巨
艦千舳萬艘交貨往還昧旦永日今若江津河口致
鋪納稅稅則簡覆覆則遲留此津纔過彼鋪復止非
唯國家稅錢更遭主司僥賄船有大小載有多少量

物而稅觸途淹久統論一日之中未過十分之一因
此擁滯必致吁嗟一朝失利則萬商費業萬商費業
則人不聊生其間或有輕取任俠之徒斬龍刺蛟之
黨鄱陽暴虐之客楚中悍壯之夫居則藏鏹出便竦
劍加之以重稅囚之以威脅一旦獸窮則搏鳥窮則
攫執事者復何以安之哉臣知其不可者四也五帝
之初不可詳已三王之後厥有著聞秦漢相承興章
八敝至如關氏之稅史籍有文秦政以雉圖武力捨
一而不用也漢武以霸畧英才去之而勿取也何則
爲禦暴之所市爲聚人之地稅市則人散稅關則

興暴興則起異圖人散則懷不軌夫人心莫不背
而樂禍易動而難安一市不安則天下之市搖矣
關不安則天下之關動矣况澆風久扇變法爲難
欲禁末遊規小利豈知失玄默亂大倫魏晉眇小
齊隋齷齪亦所不行斯道存也臣知其不可五也今
之所稅關市者何也豈不以國用不足邊寇爲虞一
行斯術與有殷瞻然微臣敢借前箸以籌之伏惟陛
下當聖期御玄籙與天地合其德日月合其明役使
衆靈宰制羣動沉璧于雒刻石于嵩鑄寶鼎以窮姦
坐明堂而布政頌聲洋溢和氣網緼三皇不足四五

帝不足六神化廣洽至德潛通東夷覲驚應時平殄
南蠻纒動計日歸降西域五十餘國廣輪一萬餘里
城堡清夷亭候靜謐以爲患者唯有二蕃今吐蕃請
命邊事不起即日雖尚屯兵久後終成弛析獨有默
覈假息孤恩惡貫禍盈覆亡不暇征役日已省矣繁
費日已稀矣然猶下明制遵太僕愛人力惜人財王
侯舊封妃主新禮所有支料咸令減削此陛下以躬
率人堯舜之用心也且關中河北水旱數年諸處逃
亡今始安輯儻加重稅或慮相驚況承平歲積薄賦
日入俗荷深恩人知自樂卒有變法必多生怨生怨

則驚擾驚擾則不安中旣不安外何能禦文王曰帝
王富其人霸王富其地理國若不足亂國若有餘古
人有言王者藏於天下諸侯藏於百姓農夫藏於庾
商賈藏於篋惟陛下許之必若師興有費國儲多窘
卽請倍算商客加斂平人如此則國保富強人免憂
懼天下幸甚臣知其不可者六也陛下留神繫表屬
想政源冒茲炎熾早朝晏坐一日二日機務不遺先
天後天靈心密應時之得失小臣何知率陳瞽詞伏
祇惶惕疏奏帝納之遂寢其事

四年十一月又置神都西市

冊府元龜

刑計部

卷之五百四

二十一

中宗景龍元年十一月勅諸非州縣之所不得置市
其市嘗以午時擊鼓三百下而衆大會日入前七刻
擊鉦三百下散其州縣領務少處不欲設鉦鼓聽之
車駕行幸處卽於頓側立市差三官人權簡較市事
是月又勅兩京市諸行自有正鋪者不得於鋪前更
造偏鋪名聽用尋嘗一椽偏廂諸行以濫物交易者
沒官者在市及人衆中相驚動令擾亂者杖八十
玄宗開元十三年六月二十三日又廢其口馬移入
北市

二十年勅曰綾羅絹布雜貨交易皆通用如聞市肆

必消見錢深非道理自今已後與錢貨兼用不遵者
准法罪之

天寶八載十月五日西京咸遠營置西市華清宮置
北市

肅宗乾元元年八月勅大散關宜依舊令鳳翔府收
管

代宗寶應元年九月勅略谷荆襄子午等路往來行
客所將隨身器仗等今日已後除郎官御史諸州部
統進奉事官任將器仗隨身自餘私客等皆須過所
上具所將器仗色目然後放過如遇所上不具所將

罷仗色目鼓者一切於守堤處勒留

大曆八年七月勅京城內諸坊市門至秋成後宜令所錄勾當修補

十四年七月令王公百官及天下長吏無得與人爭利先於揚州置邸肆貿易者罷之先是諸道節度觀察使以廣陵當南北大衝百貨所集多以軍儲貿販別置邸肆名託軍用實私其利焉至是乃絕

德宗建中元年九月戶部侍郎趙贊條奏諸道津要都會之所皆置吏閱商人財貨計錢每千稅二十六文二年五月以軍興十一而稅商

貞元元年春正月癸酉德宗在奉天行在宮中
畢大赦改元制曰其所加墊陌錢稅間架竹木茶漆
權鐵之類悉宜停罷

貞元二十一年二月赦文應緣官市並出正文帖依
時價買賣不得侵擾百姓

貞元以後京都多中官市物於壘肆謂之官市不持文告口含勅命皆以鹽估不中衣服絹帛雜紅紫之物倍高其估尺寸裂以酬價謂之精供富商皆匿名深居陳列坊閑唯麤厲苦歲市後又強驅入禁中傾車疊輦而去色少不其歐至血流者中人之出雖沽漿賣餅之家無不徹擔塞門以伺其去蒼頭女奴輕車各馬備備欄巷得免捕為幸京師之人嗟愁叫闐訴闕則左右前後皆人也

憲宗元和九年五月豐州奏中受降城與靈州城接

界請置關從之

敬宗寶曆二年七月義成軍節度使李聽奏請於潁州置場稅商旅以贍軍從之

十月京兆尹劉栖楚奏術者數之妙苟利於時必以救患伏以前度甚雨閉門得晴臣請今後每陰雨五日卽令坊市閉北門以禳諸陰晴三日便令盡開門使啓閉有嘗永爲定式從之

文宗太和五年十月辛未戶部侍郎庾敬休奏劔南東川西川山南西道每年稅及陌除錢等伏以劔南道稅茶舊例委度支巡院勾當雜稅當司於上都召

商人便換太和元年戶部侍郎崔元畧與西川節度使商量取其穩便遂奏請稅茶事使司自勾當每年出錢四萬貫送省近年以來都不依元奏并二道諸色錢物州府多逗遛不送皆不稟奉今請取江西稅勾當於歸州置巡院所自勾當收管諸色錢物送省所冀免有懸欠仍令巡官李漬專往與德裕遵古量商制置續具聞奏從之

開成二年夏五月武寧軍節度使薛元賞奏泗口稅場先是一物貨稅今請停去雜稅唯畱稅茶一色以助供軍詔曰惠人須在於必誠革弊宜圖於去本又

開茶稅惠則未終宜悉罷之每年特以度支戶部錢
一萬貫賜供本軍及充驛料先是王智興逐帥自立
故朝廷姑息之因請致稅於泗口以贍軍用往來過
爲寇掠後之節帥多利其利不革前弊至是除元賞
上於閣內遣令條奏及詔下往來之人遂絕怨咨
武宗以開成五年正月卽位十二月勅京夜市宜令
禁斷

會昌元年七月勅如聞十六宅置宮市已來稍苦於
百姓成弊旣久須有改移自今已後所出市一物已
上宜並依三宮置市不得令損刻百姓

宣宗大中五年八月勅中縣戶滿三千已上置市令
一人史二人不滿三千戶已上者並不得置市官治
要路須置舊來交易繁者聽依三千戶法置仍申省
諸縣在州郭下並置市官

六年正月鹽鐵轉運使兵部侍郎裴休奏諸道節度
使觀察使置店停止茶商每斤收錫地錢并稅經過
商人頗乖法理今請釐革橫稅以通舟船商旅旣安
課利自厚

三月隴州防禦使薛逵奏伏奉正月二十六日詔旨
令臣移築故關訖聞奏者伏以汧源西境切在故關

昔有隄防殊無制置僻在重崗之上苟務高深今移
要會之中實堪控扼舊絕泉井遠汲河流今則臨水
挾山當川限谷危墻深塹充揚營壘之勢伏乞改為
定戎關關吏鈔轄往來臣當界又有南路亦是要衝
舊有水關亦請准前扼捉去正月二十七日起工今
月十七日畢謹畫圖進上勅旨薛達新置關城得其
要害形於圖畫頗見公忠宜依所奏

七年七月二十日廢州縣印

梁太祖開平元年七月勅宜以關東為內仍以潼關

隸陝州

初置河潼軍使命
號州刺史兼領之

是月又改武牢關為虎牢

關

仍置虎
牢軍使

後唐莊宗同光二年二月庚午租庸使孔謙奏諸道
綱運商旅多於私路苟免商稅不繇官路往來宜令
所在關防嚴加捉搦山谷私山道路仍須郭塞以戢
行人

三年八月戊寅免湖南闕地茶稅沿路稅錢

明宗天成元年四月詔曰省司及諸府置稅茶場院
自湖南至京六七處納稅以至商旅不通及州使置
雜稅務交下煩碎宜定合稅物色名目商旅即許收
稅不得邀難百姓諸道鹽務破脚價極多獲少須有

關市 卷之五十四
條流以成規制又詔諸州雜稅宜定合稅物色名目
不得邀難商旅租庸司先將係省錢物與人迴圖宜
令盡底收納以塞倖門

四年七月兵部員外郎趙燕奏切見京城人買賣莊
宅官中印契每貫抽稅契錢二十文其市牙人每貫
收錢一百文甚苦貧民請行條理從之

長興元年正月許州奏准詔放過淮南客二百三十
人通商也

九月燕人梁庭投匭陳狀云天下商稅處多不繇舊
時關市制度以此倍擾農商亦請減除奸弊勅旨並

前施行

二年八月勅應三京諸道州府商稅等多不係屬州
府皆是省司差置場官朕自受命開基勵精布政將
推誠而感物每屈已以從人况於列侯尤所注意豈
可山河重寄並在藩方關市徵租獨歸省務加以所
置職掌素處幽微向闔闐以肆威與王公而抗禮蓋
已往從權之事豈將來經久之規特議改更貴除繁
屑自今已後諸商稅並委逐處州府撲斷依省司嘗
年定額勾當辨集異除生事之端不爽豐財之理
晉高祖天福元年閏十一月壬午勅關防凡有征稅

省司會降條流慮多時而或有隱藏因肆赦而再須條貫應諸道商稅仰逐處將省司合收稅條件文牒於本院前分明張懸不得收卷牒內該稅名目分數者卽得收稅如牒內元不該稅着係稅物色卽不得收稅宜令所在長吏嘗加覺察如敢有違條流不將文牒張懸將不合係稅物色收稅罔欺官法停住商賈者盡行具名申送

七年十一月宣旨下三司應有往來鹽貨悉稅之過稅每斤七文住稅每斤一十文其諸道州府應有屬州鹽務並令省司差人勾當既而糴鹽雖多而人戶

鹽錢又不放免至今民甚苦之

漢高祖乾祐元年詔曰軍國之費務在豐財關市之征資於行旅所宜優假俾遂流應天下商旅往來所在並須饒借不得妄有邀勒

隱帝乾祐二年國子司業樊倫上言三事其一耕桑未至國多游民關市之中稅物苛細請稍減省以惠疲民百姓賣物不多所歷關市並望除稅

三年六月太嘗少卿劉悅上言臣伏見買賣耕牛官中元無商稅近日關市場院不稟勅文悉是收稅歲計其利所入無多在於農民卽疲於市易請重降勅

文明行止絕勸人耕稼國之大計倉廩有積何莫內
斯

周太祖廣順元年十二月甲寅相州李筠乞除放黃
澤關商稅課利從之

二年十一月鄆州言奉詔已示諭商稅院不收絲麻
鞵等稅

三年正月澶州言於商稅舊額上添長錢二千八百
貫麴務添七千貫從今年三月一日納起詔褒之

三月詔曰青白池務素有定規祇是近年頗乖循守
比來青鹽一石抽稅錢八百文足陌鹽一斗白鹽一

石抽錢五百文鹽五升其後青鹽一石抽錢一千鹽

一斗訪聞改法已來不便商旅蕃人漢戶求利艱難

宜與優饒庶令存濟今後每有青鹽一石依舊抽稅

錢八百文以八十五爲陌鹽一斗白鹽一石抽稅錢

五百鹽五升此外更不得別有邀求如聞邊上鎮鋪

於蕃漢戶市易糶糴衆私抽稅今後一切止絕

絲帛

管氏有言曰一婦不織天下必有受其寒然則藉其
蠶稅教以女工故夏書辨絲枲之貢周官述布帛之
利其所由來尚矣歷漢而下經制具存廣狹精粗不

中則禁之錦繡纂組有害則却之以庸為名用抑游惰兼粟為貨以通有無苟輕重混淆則良楛雜糅必在明開塞之術防巧偽之源使桑土適均賦歛不濫然後數量可一風俗可齊致任土之宜來厥篚之美五十者可以衣而知榮辱斯亦商功利之一端也

周武王時太公以布為貨廣二尺二寸為幅長四丈

為疋

後封齊以其地負海易鹵少五穀乃勸以女工之業其後俗漸多織作水紵綺繡純麗之物

漢武帝時桑弘羊為治粟都尉領大農天子北至朔方東封太山巡海上旁北邊以歸所過賞賜用帛百餘萬疋皆取足大農其後請均輸帛五百萬疋

哀帝初即位詔齊三服官諸官織綺繡難成害女紅之物皆止無作輸紅亦工也

後漢章帝建初二年詔齊相勿復送冰統方空穀吹

綸絮

水言色鮮絮如冰方空穀即今方目紗也

魏太祖定鄴都令戶絹二疋綿二斤餘皆不得擅興藏彊賦弱

晉武帝時有司奏依舊調綿絹詔不肯

又云有司奏調房子睢陽

綿武帝不許

惠帝永寧初雜中有錦帛四百萬

元帝渡江軍事草創蠻陬賤布不有嘗準府中所儲

數四千疋

宋孝武時齊庫上絹年調鉅萬疋綿亦稱此期限嚴峻人間買絹一疋二三千綿一兩三四百貧者賣妻子甚者或自縊死侍中陳懷文具陳人困內是薄有所減

江左曰晉至陳其調丁男調布絹各二丈絲三兩綿八兩祿絹八尺祿綿三兩分丁女並半之

後魏道武天興中詔採諸漏戶令輸綸綿自後諸逃戶占為紬繭羅殺者甚眾於是雜營戶帥遍于天下不隸守宰賦役不周戶口錯亂太武始光三年詔一切罷之以屬郡縣

孝文延興三年七月詔河南六州之民戶收絹一疋綿一斤先是舊制民間所織絹布皆幅廣二尺二寸長四十尺為一疋六十尺為一端令任服用後乃漸至濫惡不依尺度於是更立嚴制令一准前式違者罪各有差有司不檢察與同罪太和八年戶增帛三疋先是天下戶以九品混通戶調帛三疋絮二斤絲一斤又入帛一疋二丈委之州庫以供調外之費至是增之以為官司之祿後增調外帛滿二疋所調各隨其土所出其司冀雍華定相秦維豫懷兗陝徐青濟濟南豫東兗東徐十九州貢

綿絹及絲幽平并肆岐涇荆涼梁汾秦安營幽夏光
鄆東秦西州萬年鴈門上谷靈丘廣寧平涼郡懷化
郡上郡之長平白水縣青州北海郡之膠東縣平昌
郡之東武平昌縣高密郡之昌安高密夷安黔陬縣
秦州河東之蒲坂汾陰縣東徐州東莞郡之莒諸東
莞縣雍州馮郡之蓮芍縣咸陽郡之雍寧夷縣北地
郡之三原雲陽銅關宜君縣華州華山郡之夏陽縣
徐州濟北郡之離狐豐縣東海郡嶺榆襄贛縣皆以
麻布充稅十年給事中李冲上言准古法立隣里黨
一長其民調一夫一婦帛一疋民年十五以上未娶

四人出一夫一婦之調奴任耕婢任績者八口當
未娶者四耕牛二十頭當奴婢八其麻布之鄉一夫
一婦布一疋下至牛以此為降大率十疋為公調二
疋為私調外費三疋為内外百官俸
宋魏孝靜天平元年遷都於鄴六方之眾萬餘人北
徙春秋二時賜帛以供衣服費嘗調之外逐豐稔之
處折絹糴以充國之儲
北齊文宣時天保中調絹以七尺為丈右僕射崔暹
言之乃依舊焉
武成河清三年定令率人一狀調一疋綿八兩凡十

斤綿折一斤作絲

後周太祖爲西魏相創制六官司賦掌功賦之政凡令人自十八以至六十四與輕癯者皆賦之其賦之法有室者歲不過絹一疋綿八兩單丁者半之其非桑土有室者布一疋麻十斤單丁者又半之豐年則全賦中年半之下年一之皆以時徵焉若藉阨凶札則不徵其賦

隋高祖開皇二年頒新令遵北齊之制丁男一牀桑土調以絹純麻土調以布絹純以疋加綿三兩布一端加麻三斤單丁及僕隸各半之

九年平陳高祖親御朱雀門勞凱旋師行慶賞自門外夾道列布帛之積達于南郭以次頒給所費三百餘萬段

十二年有司上言庫藏皆滿高祖曰朕旣薄賦於人又大經賜用何得爾也對曰用處嘗少納處嘗多畧計每年賜用至數百萬段曾無減損於是更闢左藏之院構屋以受之
唐高祖初平京師傾府藏以賜勲人旣而又患國用不給太原人劉義節進計曰今義師數千萬並在長安樵貴而布帛賤若伐街衢及苑中之樹爲樵以易

布帛歲取數千萬疋立可致也又藏內繕給疋皆有餘軸之使申截取剩物以供雜費動盈十餘萬段矣高祖並從之大收其利武德七年定令每丁調隨其鄉土所產綾絹絁各二丈布加五分之一輪綾絹絁者兼調綿三斤輪布者麻三斤代宗大曆中詔曰王制命市納賈以觀人之好惡布帛精麤不中度廣狹不中量不鬻於市漢詔亦云纂組文繡害女紅也朕思以恭儉克己淳朴化人每尚素玄之服庶齊金土之價而風俗不一踰侈相高浸

弊於時其來自久耗縑繒之本資錦綺之奢異彩奇文恣其誇競今師旅未戢黎元不康豈使淫巧之功更虧嘗制在外所織造大張錦獨軟錦瑞錦透背及竭鑿六破已上錦獨窠文紗四尺幅及獨窠吳綾獨窠司馬綾等並宜禁斷其長行高麗白錦雜色及嘗行小文子綾錦等任依舊例造其綾錦花文所織盤龍對鳳麒麟獅子天馬辟邪孔雀僊鶴芝草萬字雙勝及諸織羗梳文字等宜亦禁斷憲宗元和八年四月以錢重貨輕出內庫錢五十萬貫命兩嘗平收市布帛每端疋於舊估加十之一

九年八月詔太府奏建州泉州壽州所納物麤惡短狹布帛有幅制度所存近日勸課不精贏濫方甚遂使女工都棄國用空虛若無所懲何以知懼刺史宜各罰一月課料錄事參軍本縣令各罰一季課料本曹官罰一季課料仍書下考

十一年六月京兆府奏今年諸縣夏稅折納綾絹純紬絲綿等並請依本縣時價只定上中二等每疋加饒二百文綿每兩加饒十五文絲每兩加饒二十文其下等物不在納限小戶本錢不足任納絲綿斛斗須是本戶如有本戶輒合集買成疋段代納者所由

決十五枷項令衆

宣宗以會昌六年三月卽位十一月刑部尚書判度支崔元式奏准今年七月二日勅諸道所出次弱綾絹紗等宜令禁斷若舊織得行使仍委所在官中收納如輒更有織造行便買賣同罪須指射出次弱物州府令戶部度支鹽鐵三司同條流聞奏者省司先牒左藏庫勘到所出次弱疋帛州府名額伏以綾絹紗等州府所買機杼織造並合勘充煇練旣不堪示着則虛費織功今欲委諸道節度觀察使刺史差清強官搜獲百姓織造濫惡疋段狹小機杼焚毀其惡

弱疋段仍具收納數聞奏從之其向後犯者亦條流有差

後唐明宗天成二年十二月中書舍人程遜上言以民間機杼多有假偽虛費絲縷不堪爲衣請下禁止庶歸朴素

漢隱帝乾祐三年左司員外郎盧振上言古先哲王之制布帛不中度一鬻於市比來組織之物輕重皆有定規近年已來織帛之家過爲疎薄徒勞杼軸無益公私臣請三京鄴都諸道州府凡織造之家所織綾羅縠帛諸物並須斤兩尺度合官定規程不得輒

爲疎薄所在官吏覺察禁止不得更然

周世宗顯德三年五月詔曰化民成俗須務真純蠹物害能莫先浮僞織絰杼軸之製素有規程裨販貿易之徒不許違越久無條理漸致澆訛苟所鬻之或精則酬直之必重宜從朴厚用革輕浮應天下今後公私織造到絹帛紬布綾羅錦綺及諸色疋段其幅尺斤兩並須合向來制度不得輕弱假僞罔冒取價如有已上物色等限一百日內並須破貨了絕如限外敢有違犯織造貨賣者卽所在節級所由擒捉送官十月詔曰舊制織造純紬絹布綾羅錦綺紗縠等

冊府元龜 卷之五百四

幅濶二尺五分不得夾帶粉藥宜令諸道州府嚴切
指揮來年所納官絹每疋須及一十二兩河北諸州
須及一十兩務要夾密停勻其長依舊四十二尺

冊府元龜

淮南李嗣京叅閱

西極文翔鳳訂正

豫章黃國琦較釋

邦計部 二十三

俸祿第一

國非賢不义賢非后不食古先哲王官設居方必先
正位位定然後制祿三代相沿官倍於古周官太宰
以八柄馭羣官其二曰祿秦漢而下命秩尤衆差定
名數以月受俸下足以代耕上足以行義斯經世之

冊府元龜 邦計部 卷之五百五

令典官人之達道雖百代孰能易哉若乃上無虛授
下無虛受賞之以禮報之以功使賢者無家食之歎
居官絕素餐之譏傳曰行爵出祿必當其位斯之謂
至治矣

周武王初定天下更立公侯伯子男凡五等諸侯之
上大夫卿下大夫上士中士下士凡五等天子之田
方千里公侯田方百里伯七十里子男五十里不能
五十者不達於天子附於諸侯曰附庸天子之三公
之田視公侯天子之卿視伯天子之大夫視子男天
子之元士視附庸

皆象星辰之大小也不達謂不列
朝會也附庸者以國事附于大國

未能以其名通也視猶比也元善也善士
謂命士也此比殿所因夏爵三等之制也制農田百

畝百畝之分上農夫食九人其次食八人其次食七

人其次食六人下農夫食五人庶人在官者其祿以

是為差農夫皆受田於公田肥燒有五等收入不同
也庶人在官者謂府史之屬官長所除不命

於天子國君
者分或為糞諸侯之下士視上農夫祿足以代耕也

中士倍下士上士倍中士下大夫倍上士卿四大夫

祿君十卿祿次國之卿三大夫祿君十卿祿小國之

卿倍大夫祿君十卿祿此班祿尊
卑之差諸侯之下士祿食

九人中士食十八人上士食三十六人下大夫食七

十二人卿食二百八十八人君食二千八百八十八

次國之卿食二百一十六人君食二千一百六十人
 小國之卿食百四十四人君食千四百四十四人
 次國之卿命於其君者如小國之卿天子之大夫為三監
 監於諸侯之國者其祿視諸侯之卿其爵視次國之
 君其祿取之於方伯之地方伯為朝天子皆有湯沐
 之邑於天子之縣內視元士 給齋戒自潔清
 之用湯沐用燔
 漢高帝時因秦官號有御史大夫秩中二千石有兩
 丞秩千石博士秩比六百石廷尉有正左右監秩皆
 千石太子門大夫庶子秩皆六百石先 先或
 作洗 馬秩比
 謁者是時三公號稱萬石其奉月各三百五十斛中

二千石者月各百八十斛二千石者百二十斛比二
 千石者百斛千石者八十斛六百石者七十斛比六
 百石者六十斛四百石者五十斛比四百石者四十
 五斛三百石者四十斛比三百石者三十七斛二百
 石者三十斛比二百石者二十七斛百石者十六斛
 斗食十一斛佐史奉八斛
 文帝二年置一丞相有兩長史秩千石
 武帝建元三年置期門僕射秩比千石
 元狩五年置部刺史秩六百石
 太初元年更名中大夫為光祿大夫秩比二千石太

中大夫秩比千石又更名郎中令為光祿勳大行令
 為大鴻臚大農中尉為執金吾自太常光祿衛尉太
 僕大理鴻臚宗正司農少府執金吾皆中二千石丞
 皆千石又更右內史為京兆尹左內史為左馮翊都
 尉為右扶風自太子太傅將作少府詹事將行
星后卿即
 大長共屬國水衡都尉左馮翊右扶風皆秩二千石
 丞六百石是時司隸城門中壘屯騎步兵越騎長水
 胡騎射聲虎賁射士校尉秩皆二千石奉車都尉駙
 馬都尉秩比二千石前後左右將軍長史秩千石又
 有議郎中郎侍郎郎中皆無員多至千人議郎中郎

秩比六百石侍郎比四百石郎中比三百石中郎有

五官左右三將秩皆二千石郎中有車戶騎三將

曰車郎主戶衛曰戶郎漢儀注郎中令主郎中左

右車將主左右車郎左右戶將主左右戶郎也秩

皆比千石謁者秩比六百石有僕射謁請也白秩比

千石郡守秩二千石有丞邊郡又有長史秩皆六百

石郡尉秩比二千石有丞秩皆六百石縣令長萬戶

以上為令秩千石至六百石減萬戶為長秩五百戶

至三百石皆有丞尉秩四百石至二百石是為長吏

吏理也主百石以下有斗食漢官名秩簿云斗食月

理其縣內斛一說斗食者歲俸不滿百而計

日而食一斗二升故云斗食也

郡計部

卷之五十五

宣帝地節二年置西域都護有副校尉秩比二千石
帝又令中郎將騎都尉監羽林比二千石

三年置左右廷尉平秩皆六百石

神爵三年八月詔曰吏不廉平則治道衰今小吏皆
勤事而奉祿薄欲其母侵漁百姓難矣其益吏百石

以下奉十五 若食一斛則益五斗

元帝初元元年置戊巳較尉有丞司馬各一人候五
人秩比六百石

成帝陽朔二年除八百石五百石秩 除八百就六百除五百就四百也

綏和元年大司馬大司空祿比丞相更部刺史各牧

秩二千石二年益吏三百石以下俸凡比二千石以

上年老致仕者參分故祿與之終其身 參音三其時亦有俸錢之

差但本史不具耳故元帝時貢禹上書曰臣為諫大夫秩八百石俸錢月九千二百廩食太官又拜為光祿大夫秩二千石俸錢月萬二千祿賜愈多家日以益富

哀帝元壽二年大司馬有長史秩千石

平帝元始元年更名虎賁郎置郎中將秩比二千石

後漢光武建武二十六年增百官俸有千石以下減

於西京舊制六百石以下增於舊秩是時太傅太尉
府長史一人千石東西曹掾比四百石餘掾比三百

石屬比二百石故曰公府掾比古元士三命者也或曰漢初掾史辟皆上言之故有秩比命士其所不言

別為百石屬其後皆自辟除故通為百石

漢舊注曰公令史百

石自中興以後注不說石數 司徒司空府長史千石大將軍府長

史司馬皆千石從事中郎六百石其領軍皆有部曲

大將軍營五部部較尉比二千石軍司馬比千石部

下有曲曲有軍候比六百石曲下有屯屯長比百石

太史令六百石丞三百石博士祭酒六百石博士比

六百石太祝令太宰令太子令高廟令世祖廟令陵

園令每陵食官令太卜令皆六百石五官中郎將及

左右中郎將虎賁中郎將羽林中郎將皆比二千石

五官及左右虎賁中郎比六百石五官左右虎賁侍

郎比四百石五官左右虎賁郎中比三百石左右僕

射左右陞長比六百石節從虎賁比二百石羽林郎

比三百石羽林左右監六百石奉車都尉駙馬都尉

比二千石騎都尉二千石光祿大夫比二千石太中

大夫千石中散大夫諫議大夫議郎宮侍謁者皆六

百石謁者僕射比千石其給事謁者四百石灌謁者

郎中皆三百石公車司馬令南北宮衛士令左右都

候左右式道中候左右較令百軍中候考功令車府

令未央殿令六殿廷尉正左監右平鴻臚大行令公

主家令太倉令平準令導官令廩犧令太鑿令太官

令守宮令上林苑令黃門及黃門令掖庭令永巷令

御府令祠祀令鉤盾令中藏府令內謁者令尚方黃

門穴從僕射符節令武庫令皆六百石公主家丞三

百石濯龍監直里監宦者丞從丞黃門署長玉堂署

長丙署長皆四百石永巷長比四百石宦者比三百

石永巷郎中三百石中黃門比百石侍中比二千石

中嘗待千石宦者無員後增黃門侍郎六百石尚書

令御史中丞千石尚書治書侍御史六百石左右丞

侍郎四百石尚書令史符節令史二百石蘭臺令史

六百石執金吾太子太傅太嘗光祿衛尉太僕廷尉

大鴻臚宗正大司農少府諸卿皆中二千石丞千石

太子少傅將作大匠二千石太子家令太子僕千石

太子門大夫中庶子舍令食官令六百石洗馬比六

百石太子廡長中盾比二千石丞比六百石令相千

石丞尉四百石其六百石丞尉三百石長相四百石

及三百石丞尉皆二百石諸侯公主家丞秩皆比二

百石諸邊鄣塞尉諸陵校尉長皆二百石有嘗例者

不署秩司隸較尉比二千石京都尹郡太守二千石

冊府元龜 卷之五百五

屬國都尉使匈奴中郎將護烏桓較尉護羗較尉比

二千石州刺史六百石每縣邑道大者置令千石其

次六百石其次置長四百石其次三百石侯國之相

亦如之前漢雒陽令秩千石丞及孝廉左右尉四百石鄉三老游徼百石戶鄉

置有秩皇子封王其郡為國王傅相皆二千石

殤帝延平元年中二千石俸月錢九千米七十二斛

二千石錢六千五百米三十六斛比二千石錢五千

米三十四斛千石錢四千米三十斛六百石錢三千

五百米二十二斛四百石錢二千五百米十五斛三

百石錢二千米十二斛二百石錢一千米九斛百石

錢八百米四斛八斗大將軍三公臘賜錢各二十萬

牛肉二百斤粳米百斛將進侯以下各有差立春之日遣使者

賜文官司徒司空帛三十疋九卿十五疋武官太尉

大將軍各六十疋執金吾諸較尉各三十疋武官倍

文官也

桓帝延熹三年九月詔無事之官權約俸豐年如故

獻帝建安八年頒賜三公下金帛錄是三年一賜以

為嘗例

晉武帝泰始三年九月詔曰古者以德詔爵以庸制

祿雖下士猶食上農外足以奉公忘私內足以養親

施惠今在位者祿不代耕非所以崇化之本也其議增吏俸

太康元年平吳之後定官品第一至第九各以貴賤占田品第一者占五十頃第二品四十五頃第三品四十頃第四品三十五頃第五品三十頃第六品二十五頃第七品二十頃第八品十五頃第九品十頃又得蔭人以爲衣食客及佃客品第六以上得衣食客三人第七第八品二人第九品及舉輦跡禽前驅錄基强弩司馬羽林郎殿中穴從虎賁殿中虎賁推持斧武騎虎賁持鉞穴從虎賁命虎賁武士一人

其應有佃客者官品第一第二者佃客無過四十戶第三品三十五戶第四品三十戶第五品二十五戶第六品二十戶第七品十五戶第八品十戶第九品五戶其佃穀皆與大家量分

簡文帝咸安二年三月詔曰往者事故之後百度未充羣僚嘗俸並皆寡約益隨時之義也然退食在朝而祿不代耕非經通之制今資儲漸豐可籌量增俸宋高祖永初元年六月詔曰百官事殷俸薄祿不代耕雖國儲未豐要令公私周濟諸供給等減半者可悉復舊六軍見祿租不在此例其餘官僚或自本

俸素少者亦疇量增之

二年二月制中二千石加公田一頃

文帝元嘉二十七年正月制交寧二州假收郡縣俸祿聽依臺除

二月以軍興減百官俸三分之一

三月淮南太守諸葛闡求減俸祿同內百官於是州及郡縣丞尉並悉同減

孝武大明二年正月復郡縣田秩并九親俸祿

四年十月制郡縣減祿並先充公限

五年五月制帝室耆親官非祿官者月給錢十萬

八月制方鎮所假白收郡縣年限依臺除祿三分之

一不給送

六年二月復百官祿

前廢帝永光元年二月減州郡縣田祿之半

明帝泰始五年六月以軍興已來百官斷俸並給坐

食

南齊武帝永明元年正月詔經邦之寄寔資益民守

宰俸祿益有嘗准往以邊虞告警故沿時損益今區

寓寧晏庶績咸熙忠勤簡能宜加優獎郡丞尉可還

田秩

又云齊氏眾官有僮幹之役而不詳其制

冊府元龜

邦計部

卷之五百五

七年正月詔曰諸大夫年秩隆重祿乃殊薄豈所謂下車惟舊趨橋敬老可增俸評給見役

八年十二月詔尚書丞郎職事繁劇卹俸未優可量增賜祿

十年正月詔增內外有務衆官祿俸

明帝建武三年閏十二月詔今歲不須光新可以見錢爲百官供給

東昏侯永元元年正月詔三品清資以應食祿者二親或祖父母年登七十並給見錢

梁高祖天監初定九品令帝於品下注一品秩爲萬

石第二第三品爲中二千石第四第五品爲二千石

大通元年正月詔曰朕思利兆民惟日不足氣象環

周每弘優簡百官俸祿本有定數前代以來皆多評

准頃者因循未遑改革自今以後可長給見錢依時

放出勿令逋緩

太清末侯景之亂國用嘗福京官文武月別唯得廩食多遙帶一郡縣官而取其祿秩焉楊徐等大州比

令僕楊州督王畿理在建康徐州督重鎮京口並外官刺史最重者尚書令僕射官品第三寧

桂等小州比參軍班寧州理建寧今雲南郡桂州理始安今郡並與外官刺史最輕

者府參軍官品第六丹陽郡吳郡會稽等大郡同太子詹事尚

書班 丹陽理建康吳郡會稽即今郡並列郡重者詹事尚書官品等三 高源晉康等

小郡王班而已 高源晉康即今郡並列郡軍輕者梁武帝定九品後其內官吏為十班以

班多者為貴同班者即以居下為劣則與品第高下不論當是其時更以清濁為差耳本史既畧不可詳

焉 大郡六班小縣兩轉方至一班其州郡祿米絹布

絲綿當處轉臺傳倉庫若給刺史令等先准其所部

文武名物多少錄勅而裁凡如祿秩既通所部兵士

給之其家得蓋少諸王諸王出閣就第婚冠所須及

衣裳服飾并酒米魚鮮香油紙燭等並定官給之王

主婿外祿者不給鮮任還京仍亦公給

後魏孝文太和八年六月詔曰置官班祿行之尚矣

周禮有食祿之典一漢著受俸之秩逮于魏晉不逮

稽往憲以經綸治道自中原喪亂茲制中絕朝政因

循未遑釐改朕永鑒四方求民之瘼夙興昧且至於

憂勤故憲章舊典以班俸祿罷諸商人以簡民事戶

增調三疋穀二斛九斗以為官司之祿均預調為二

疋之賦即兼商用雖有一時之煩終克永逸之益祿

行之後賍蒲一疋者死變法改度宜為更始其赦天

下與之惟新初臨淮王他奏求依舊斷祿文明太后

令召羣臣議之中書監高閭表曰天生蒸民樹之以

君明君不能獨理必須臣以作輔君使臣以禮臣事

君以忠故車服有等差爵命有分秩德高者則位尊
任廣者則祿重下者祿足以代耕上者俸足以行義
庶民均其賦以展奉上之心君王聚其財以供事業
之用君班其俸垂惠則厚臣受其祿感恩則深於是
貪錢之心止竭効之誠篤兆庶無侵削之煩百辟備
禮容之美斯則經世之明典爲治之至術自堯舜已
來逮至三季雖優劣不同而斯茲弗改自中原運否
天下幅裂海內未一民數耗減國用不充俸祿遂廢
此則事出臨時之宜良非長久之道大魏應期紹祚
昭臨萬方凡服旣和八表咸謐二聖欽明文思道冠

百代動遵禮式稽考舊章准百王不易之勝法述前
聖利世之高軌置立隣黨頒宣俸祿事設令行於今
已久苛慝不生上下無怨姦巧革慮闕覲絕心利潤
之厚同於天地以斯觀之如何可革又洪波奔激則
堤防宜厚姦悖充斥則禁網須嚴且饑寒切身慈母
不保其子家給人足禮讓可得而生但廉清之人不
必皆富豐財之士未必悉貧今始其俸則清者足以
息其濫竊貪者足以感而勸善若不班祿則貪者肆
其姦情清者不能自保難易之驗灼然可知如何一
朝便欲去俸淮南之議不亦謬乎帝從間議

十月詔曰俸制已立宜時班行其以十月為首每季一請於是內外百官受祿有差

九年二月制皇子封王者皇孫及皇曾孫紹封者皇女封者歲祿各有差

十月詔均給天下民田諸宰人之官各隨近給公田刺史十五頃太守十頃治中別駕各八頃縣令郡丞

六頃更代相付賣者坐如律
十年十一月議定民依戶給俸

十八年十二月詔王公侯伯子男開國食邑者王食半公三分食一侯伯四分食一子男五分食一

十九年五月減閑官祿以裨軍國之用

孝明以延昌四年即位先是孝文時以軍國多事用度不足百官之祿四分減一及帝即位侍中領軍將

軍于忠既擅權欲以惠澤自固乃悉復所減之祿
東魏孝靜天平二年十二月詔文武百官量事各給

祿

北齊文宣天保七年十一月制刺史今盡行兼不給幹物是時官秩一品每歲八百疋

百疋 百七十五疋為一秩 二品六百疋 百五十疋為一秩 從一品七百疋 百二十五疋為一秩 三品四百疋 百疋為一秩 從三品三百疋 七十疋為一秩

五疋為四品二百四十疋六十疋為一秩從四品二百疋五十疋為一秩
 一疋為五品百六十疋四十疋為一秩從五品百二十疋三十疋為一秩
 一疋為六品百疋二十五疋為一秩從六品八十疋二十疋為一秩七品
 六十疋十五疋為一秩從七品四十疋十疋為一秩八品三十六
 疋九疋為一秩從八品三十二疋八疋為一秩九品二十八疋七疋為一秩
 從九品二十四疋六疋為一秩祿率一分帛一分
 以粟一分錢事繁者優一秩平者守本秩閑者降一
 秩長兼試守者亦降一秩非執事不朝拜者皆不給
 祿州郡制祿之法刺史守令下車各前取一時之秩
 上上州刺史歲秩八十疋與司州牧同上中上下各

五十疋為差中上降上下百疋中中及中下亦以五
 十疋為差下上降中下百疋下中下下亦各五十疋
 為差上郡太守歲秩五百疋降清都尹五十疋上中
 上下各以五十疋為差中上降上下四十疋中中及
 中下各以三十疋為差下上降中下四十疋下中下
 下各以三十疋為差上上縣歲百五十疋與鄴臨漳
 成安三縣同上中上下各以十疋為差中上降上下
 三十疋中中及中下各以五疋為差下上降中二十
 疋下中下下各以十疋為差州自長史下逮于史史
 郡縣自丞以下逮于掾佐亦皆以帛為秩郡有尉減

丞之半皆以其所出嘗調課給之自一品以下至流外勲品各給事力一品至三十人流外勲品或以五人爲等或以四人三人二人一人爲等繁者加一等平者守本力閒者等一等諸州刺史守令以下幹及力皆聽勅乃給其幹出所部之人一幹輸絹十八疋幹身放之則白直充

武成河清四年以年穀不登詔減百官食廩各有差後周太祖爲西魏相創制六官祿秩下士百二十五石中士以上至於上大夫各倍之上大夫是爲四千石卿二分孤三分公四分各益其一公因盈數爲萬

石其元秩百二十石凡秩至於七秩每二秩六分而下各去其一二秩一秩俱爲四十石凡頒祿親年之上下畝至四釜爲上年上年頒其正三釜爲中年中年頒其半二釜爲下年下年頒其一無年凶荒不頒祿

武帝保定二年四月詔曰比以寇難猶梗九州未一文武之官立功効者雖錫以茅土而未給租賦諸柱國等勲德隆重宜有優崇各准別制邑戶聽寄食他縣

隋高祖開皇元年十月頒新令自諸王已下至于都

督比給永業田各有差多者至一頃少者至四十畝
京官又給職分田一品給五頃每品以五十畝為差
至五品則為田三頃六品二頃其下每品以五十畝
為差至九品為一頃縣官亦各有職分田是時京官
正一品祿九百石其下每以百石為差至正四品是
三百石從四品二百五十石其下每以五十石為差
至正六品是為百石從六品九十石以下每以十石
為差至從八品是為五十石食封及官不判事者并
九品皆不給祿其給皆以春秋二季刺史太守縣令
則計戶而給祿各以戶數為九等之差大州六百二

十石其下每以四十石為差至於下下則三百石大
郡三百四十石其下每以三十石為差至於下下則
百石大縣一百四十石其下每以十石為差至於下
下則六十石其祿唯及刺史二佐及郡守縣令
八年五月僕射高頴奏諸州無課調及有課調州管
戶數少者官人祿力乘前已來嘗出附近之州但判
官本為收人役力理出所部請於所管戶內計戶徵
稅從之

唐高祖初為隋相國罷外官給祿每十斛給地二十
畝

武德元年十二月因隋制文武官給祿正一品七百石從一品六百石正二品五百石從二品四百六十石正三品四百石從三品三百六十石正四品三百石從四品二百六十石正五品二百石從五品一百六十石正六品一百石從六品九十石正七品八十石從七品七十石正八品六十石從八品五十石正九品四十石從九品三十石並每年給諸給祿者三師三公及太子三師三少若在京諸司文武官職事九品以上并左右千牛備身左右太子千牛並依官給其春夏二季春給秋冬二季秋給九京文武官每歲給祿總五十萬一千五百

百三十三石二斗自至德之後不給其在外武官九品以上准官皆降

京官一等給其文武官在京官土者則不降諸給祿應給等

者正從一品各以五十石為一等二品三品等以三十石為一等四品五品皆以二十石為一等六品七

品皆以五石為一等八品九品皆以二石五十為一等其俸錢之制京司諸官

初置公廨令行署及番官興易以充俸又制內外官

各給職分田京官一品十二頃二品一十頃三品九

頃四品七頃五品六頃六品四頃七品三頃五十畝

八品二頃五十畝九品二頃雍州及外州官二品十

二頃三品十頃四品八頃五品七頃六品五頃七品

四頃八品三頃九品二頃五十畝其統軍府及鎮戍

關津之官又節給量減京司及州縣又各公廨田課其營種以供公私之費

太宗貞觀二年二月詔官人得上考給一季祿

六月制官人出使皆廩食妻子

十二月詔外官新到任多有匱乏准品計日給糧

三年正月詔官人得上下考給一年祿

八年中書舍人高季輔上表曰仕以應務亦以代耕外官卑品猶未得祿既離鄉井理必貧煎但妻子之戀賢達其猶累懷饑寒之加夷惠罕全其行爲政之道期於易從若不恤其匱乏難欲俾其清儉凡在末

品中庸者多正恐巡察歲出輶軒繼軌不能肅其侵漁何以求其政術今戶口漸殷倉廩已實斟酌量給祿使得養親然後督以嚴科責其報効則庶官畢力物議斯免

十年正月詔有司收內外職田除公廨田園外並官收先給逃還貧下戶及欠丁田戶其職田以正倉粟畝率二升給之

十一年三月勅內外官職田恐侵百姓先令官收慮其祿薄家貧所以別給地子去歲緣有水旱遂令總停如聞卑官頗難支濟事須優恤使得自資宜准元

勅給其地子

十二年三月諫議大夫褚遂良以武德已後國家倉庫猶屬虛應京官料錢並給公廨本令當司令史畚官興易給利計官員多少分給乃上疏曰爲政之本在於擇人不正其源遂差千里漢家以明經拜職或四科辟召必擇器任使量才命官然則市井子孫不居官吏大唐制令憲章古昔商估之人亦不居官位陛下近許諸司令史捉公廨本錢諸司取此色人號爲捉錢令史不簡性識寧論書藝但令身能估販家足貲財錄牒吏部卽依補擬大率人捉五十貫已下

四十貫已上任居市肆恣其販易每月納利四千一
百年凡輸五萬送利不違年滿受職有國家者嘗笑
漢代賣官今開此路頗類於彼在今七十餘司大率
司引九人更一二載後年別卽有六百餘人輸利受
職伏惟陛下理致升平任賢爲政或文學高第或諸
州進士皆策同片玉經若懸河奉先聖之格言慕昔
賢之廉恥拔十取五量能授官然犯禁違公輒羅刑
法况乎捉錢令史主於估販志意分毫之末耳目屢
肆之聞輸錢於官以獲品秩荏苒年歲陛下能不用
之乎此人習於性成慣於求利苟得無恥莫蹈廉隅

使其居職從何而可將來之弊宜絕本源臣每周遊
人間爲國視聽京司僚庶爰及外官異口同辭皆言
不便伏願勅朝臣遺其詳議帝納之是月勅並停改
署胥士七千人以諸州上戶充准防閣例輸課二年
一替計官員多少分給

十八年三月復京官職田以京兆及岐同華朔万等
州空閑地及陂澤堪佃食者充之

二十一年二月令在京諸司依舊置公廨給錢充本
置令史胥士等令廻易納利以充官人俸

二十三年九月勅諸王並宜食一千戶封

高宗永徽元年四月廢京官諸司捉錢胥士其官人
俸料以諸州租脚充

八月詔文武五品以上解官充侍者宜准致仕例每
給以半祿并賜縑帛

麟德二年八月詔文官五品已上同武職班給仗身
以掌開幕士充之咸亨元年四月十二日停給

乾封元年八月詔京文武官應給防閣庶僕俸料始
依職事品其課及賜各依本品凡京文武正官每歲
供給俸食等錢總十五萬二千七百二十貫員外官
不在此數外官則以公廨田收及息錢等嘗食公用

州府元龜 俸祿一 卷之五十五
之外充月料先以長官定數其州縣少尹長史司馬
及丞各減長之半大都督府長史副都督別駕及判
司准上佐以職田數爲加減其叅軍及博士判試判
料賜會食料一事以上並同正員其不以同正員者
祿賜食料亦同正員餘各給半職田並不給自乾元
之後以嘗賦不給內外官俸祿各減其半矣內供俸
及裏行不帶本官者祿俸食料防閣庶僕一事以上
並同正官帶官者聽從多處給若帶外官者依京官
給諸簡較及判試知試等官不帶內外者料度一事

以上准員外官同正員例給若簡較及判試之處正
官見闕者兼給雜用其職田不應入正官者亦給其
侍御史殿中及監察御史知試並同供俸裏行例
儀鳳三年八月詔廩食爲費同資於上農歲俸所頒
並課於編戶因地出賦則沃瘠未均據丁收物則勞
逸不等俾之富教其可得乎永念於斯裁懷釐創如
闡文武內外官應給俸料課錢及公廨料度封戶租
調等遠近不均貴賤有異輸納簡選事甚艱難運送
脚錢損費實廣公廨出舉廻易與吏因此侵漁撫字
之方豈合如此宜令王公已下百姓已上率口出錢

以充防閑庶僕邑士白直折衝府仗身并封戶內官人俸食等料既依戶次貧富有殊載詳職務繁簡不類率錢給用須有等差宜具條例并各逐便

中宗神龍二年七月制功臣段志玄屈突通蕭瑀李靖秦叔寶長孫順德劉弘基宇文士及錢九隴程知節龐卿暉竇琮苑君璋李子和張平高張公瑾梁維仁安脩仁秦行師獨孤卿雲蘇定方李安遠鄭仁泰杜君綽李孟嘗等二十六家所食實封並依舊給景龍二年九月勅諸色應食實封家戶一定已後不得輒有移改

三年十月勅應食封邑者一百四十餘家應出封戶凡五十四州皆天下膏腴物產其安樂太平公主封又取富戶不在捐免限百姓着封戶甚於征行

豫章黃國詩較釋

邦計部

俸祿第二

唐玄宗開元五年十月詔曰養老乞言人惟求舊尊儒尚齒風化攸先其致仕官所請物宜令所司專定一官勾當送至宅六年七月秘書少監崔沔議州縣冊府元龜

册府元龜

淮南李嗣京奏開

西極文翔鳳訂正

豫章黃國琦較釋

邦計部 二十四

俸祿第二

唐玄宗開元五年十月詔曰養老乞言人惟求舊尊

儒尚齒風化攸先其致仕官所請物宜令所司專定

一官勾當送至宅六年七月秘書少監崔涵議州縣

官月料錢狀曰養賢之祿國用尤先取之齊人未為

剥下何用立本息利法商求資皇運之初務革其弊
 託本收利以繩富家固乃一切權宜諒非經通彙典
 項以州縣典吏併批官錢收利數多破產者衆散諸
 編戶本少利輕人用不休時以為便付本收利息及
 於人然則議國事者亦當憂人為謀恤下立計天下
 州縣積數既多大抵皆然為害不少且五十之本七
 分生利一年所輸四千二百兼筭勞費不啻五千在
 於平人已為重賦富戶既免其徭貧戶則受其弊傷
 人刻下俱在其中未若大率群臣通計衆戶據官定
 料均戶出資嘗年發賦之時每丁量加升尺以近及

遠損有兼無合而籌之所增益少時則不擾簡而易
 從庶乎流亡漸歸倉庫稍實則當咸出正賦罷所新
 加天下坦然什一而稅上下各足不其遠矣

十年正月勅內外官職田除公廨田園外並官收又
 令有司收天下公廨錢其官人料以萬戶稅錢充每
 月准舊分利數給

是月甲子又勅王公已下視品國官及京官五品已
 下每月別給伏身悉停凡京司文武職事官五品已

上給防閣	一品	九十二人
	二品	七十二人
	三品	四十八人
	四品	三十二人
五品	二十人	四十八人
六品	十六人	四十八人
七品	十四人	四十八人
八品	十二人	四十八人
九品	十人	四十八人

公主邑士 八十人 郡主 六十人 縣主 四十人 特封縣主 二十人

京官任兩職者從多給凡州縣官皆有白直二品 十人

三品 二十人 四品 二十五人 五品 十六人 六品 十七人 七品 六人 八

品 五人 九品 四人 凡諸親王府屬並給士力數如白直其

防閑庶僕白直士力納課者每年不過一千五百執

衣元不過一千文防閑庶僕舊制季分月俸食料雜

用即月分諸官應月給

乙丑命有司收内外官職田以給逃還貧下戶其職

田以正倉粟畝二升給之

六月初置職田本非古法爰自近制是以因循專有

變通應須刪改其内外官所給職田子從今年九月

已後並宜停給

十六年十一月勅文武百官俸料錢所給物宜依時

價給

十八年三月勅京官職田將令准令給受

其年九月御史大夫李朝隱奏請薄稅一年稅錢充

本依舊令高戶及典正捉隨月收供官人料錢

十九年四月勅天下諸州縣并府鎮戍官等職田四

至頃畝造帳申省仍依元租價對定六畝已下者依

舊定以上者不得過六畝

二十二年二月勅京官兼外州都督刺史大都督府長史俸料並宜兩給

十四年六月勅百官料錢宜令為一色都以月俸為各各據本官隨月給付其貯米宜令入祿數同申應合減折及申請時限並依舊式一品三十一千

月俸六千

八千食料一千八百防閣二品二十四千食料一千

二千雜用一千二百文

五百防閣一千五百文

三品十七千月俸五千食料一千

千雜用一千文

四品一千八百六十七文月俸四千五百

文防門六千六十

五品九千二百月俸三千食料七百

七文雜用六百文

六品五千三百月俸二千三百食料四百庶

文六百

品四千五十月俸一千七百五十食料三百五十八

庶僕一千六百雜用二百五十文

品二千四百七十五月俸一千三百食料三百庶僕

九品一千九百一十七月俸一千五百食料二百五

十庶僕四百一十七雜用二百

文百

二十九年二月勅外官職田委所司准例倉中受納納畢一時分付縣官亦准此

三月勅京畿地狹人戶殷繁計丁給田尚猶不足兼

充百官苗子固難周濟其諸司官令分在都者宜令

所司具作定額計應受職田並於都畿給付其應退

地委拆訪使與本州長官給貧下百姓其應給職田

亦委採訪使與所繇長官勘會同給仍永為嘗式
天寶元年六月勅如聞河東河北官人職田既納地
租仍收桑課田樹兼稅人何以堪自今已後官人及
公廩職田有桑一切不得更徵絲課

二年十一月勅京官兼太守等官俸料兩給者停其
外官太守兼京官除准式親王帶京官任外官副大
將軍者副使知軍及政事京官兼內外官知政事據
文合兼給者餘並從一處給任逐穩便

三載臣欽若等曰天寶自三年已後稱載三月勅郡縣關職錢送納大

庠寺自今已後納當郡充員外官料錢不足即收正

官料錢分若無員外官當郡分

五載三月勅郡縣官人及公廩白直天下約計一載
破十萬丁已上一丁每月戌錢二百八文每至月初
當處徵納送縣來徃數日功程在於百姓尤是重役
其郡縣白直計數多少請用料錢加稅充用其應差
丁充白直望請並停一免百姓艱辛二省國家丁壯
六載三月戶部奏諸道請實封人准長行旨三百戶
已下戶部給符就州請受三百戶已上附庸使送兩
京大府寺賜坊給付者今緣就州請受有損於人今
三百戶已下尚許彼請公私之間未免侵擾望一切

送至兩京就此給付郎公私省便侵損無繇又准戶部式節文諸食封人身歿已後所得封物隨其男數爲分承嫡者加一分至玄孫即不在分限其封總入承嫡房一依上法爲分者如此則玄孫請物比於嫡男計數之間多較數倍舉輕明重理實未通望請至玄孫已下准玄孫直下一房許依令式餘並請停惟享祭一分百代不易自無爭競永賜勳庸無替十一載十二月勅諸郡員外官無闕職處均取正官料給錢數不定頗爲勞煩自今已後闕料官收員外官依式取官錢往給

十二載十月勅兩京百官職田承前個人自送道路或遠勞費頗多自今已後其職田去城五十里內者依舊令個人自送入城自餘並限十月內便於所管縣并脚價貯納其脚價五十里外每對各徵二文一百里外不得過三文並令百官差本司人請受十四載八月制曰王制下士視土農周政庶人倍祿者衣食既足則庶耻乃知至知資用靡克或貪求不已敗名曷法實此之繇輦轂之下尤難取給其在西京文武九品已上正員官既親於職務可謂勤心自今後每月給俸食雜用防閣庶僕等宜十分率加一

分其同正員官加一分仍為嘗式

肅宗至德二年四月勅天下都府及縣官祿白直品

子等課從今載正月一日以後並量給一半事平之

後當續支遣

乾元元年外官給半料與職田京官不給料

至德已後內外

官無料錢仍勅度支使量閑劇司給手力課員外官

一切無料

二年九月詔京官比無俸料桂玉之費將何以堪宜

取絳州新錢給冬季料即仰所繇申請計會支給且

艱難之際家國是同頃者急在軍戎所以久虧祿俸

若言憂恤常媿于懷今甫及授衣略為賜給庶資時

要宜悉朕懷

三年四月工部尚書李遵奏中外官職田者苗子准

令依租分法並人新人水陸田十一月一日已後上

者子並入官草准式當司官分其顛遷改人乃有一

年之中數處合得者按令云職分陸田限三月三十

日已前水田限四月三十日夏田限九月三十日已

後上者人前人已前上者入後人即是各以耕種時

在職者為王此職既闕本是公田耕耘收刈已皆畢

功新人方來何理領受請自今後水陸田並限六月

三十日宿麥限十二月三十日春麥限三月三十日
已前上者人新已後上者並草並人官若其年已得
前任苗子者草粟稻麥並不重受亦入官

上元元年十月勅京官職田准式並合佃人輸送至
京中間楊國忠奏去城五十里外貯納縣倉本官自
差人請受緣是暫時寄貯所繇觸途乾沒就中閑司
尤被抑屈公私不便因循累年自今已後京兆河南
府諸縣並令依舊送京輸納本官如邀頓停留并輒
受加耗請准所費及剩數計贓以枉法論至死者加
役流

代宗廣德二年正月稅天下地畝青苗錢給百官俸
料起七月給

十月宰臣等奏減百司職田租之半以助軍糧從之
永泰元年十月以師旅薦興急於饋運百寮上表請
納職田充軍糧許之

二年正月自今已後子孫襲實封宜減半永爲嘗式
三月勅應請封家三分給二待兵革稍寧即當全給
五月諸道稅地錢使殿中侍御史常光裔等自諸道
使還初肅宗乾元已來屬天下用兵京司百官俸錢
減耗即帝位推恩庶寮下議公卿或以稅畝有苗者

公私咸濟乃分遣憲官稅天下地青苗錢以充百司課料至是得錢四百九十萬貫仍以御史大夫爲稅地錢物使歲以爲嘗均給百官

十一月詔曰京諸司官等自艱難已來不請祿料職田苗子又充軍糧頗開艱辛須使均濟其諸州府縣官及拆衝府官職田據苗子多少三分每年宜取一分依當處時價迴市輕貨數內破脚差綱部領送上都納青苗錢庫其闕官田據數盡送仍青苗錢與本道節度觀察都防禦等使會切勾當從今年職田並依此數徵收發遣其送物綱典計數准輕貨綱典

例處分

大曆二年正月詔京兆府及畿縣官職田宜令准外州府縣官例三分取一分
十月減京官職田錢一分充軍糧二分給大官
三年十一月加廊下百官厨料增舊五分之一是年通計京城諸司每月給手力資錢凡四萬七千五百四十六貫四十八並以天下青苗錢充初以嘗賦不給乃稅人墾田畝十有五錢資用窘急不暇成熟候苗青即征之故謂之青苗錢主其任者爲青苗使
六年三月勅軍器公廩本錢三千貫文放在人上取

利充使以下食料紙筆宜於數內收一千貫文別納
店鋪課錢添公廨收利雜用

十二年四月度支奏給京百司文武官及京兆府縣
官每月料錢太師太傅太保太尉司徒司空侍中中

書令 每月各一百二十貫文 中書門下侍郎 各一百貫文 東宮三太

左右僕射 各八十貫文 東宮三少 各七十貫文 六尚書御史大

夫太嘗卿 各六十貫文 嘗侍宗正卿太子詹事國子祭酒

各五十貫文 左右丞及諸司侍郎給事舍人中丞賓客殿

中監秘書監司農等卿將作等監 各四十貫文 太子左右

庶子太嘗少卿 各四十貫文 課議諸司少卿少監 各三十貫文

國子司業內侍東宮三卿 各三十貫文 郎中侍御史司天

監少詹事諸王傅國子博士諭德中允中舍殿中秘

書太嘗宗正丞 各二十貫文 殿中侍御史著作郎大理正

都水使者總監內嘗侍給事中 各二十貫文 員外郎通事

舍人起居王府長史 各十八貫文 監察御史臺主簿補闕

王府司馬司天少監太子典內太嘗博士主簿宗正

主簿門下錄事中書主簿 各十五貫文 拾遺司議太子秘

書著作佐郎國子大學四門廣文等博士大理司直

詹事府及諸寺監丞謁者監中書門下主事 各十二貫文

沈馬贊善諸寺監主簿詹事府司直 各一十貫文 評事 各八

貫諸較正各六貫文諸奉御九成宮總監諸王諮議友諸

陵令各九貫文城門符寶國子助教六局郎王府掾屬

太嘗侍醫文學錄事參軍主簿記室諸衛及六軍長

史兩市令諸副總監武庫署令太公廟令各五貫文大

千通事舍人東宮三寺丞國子太學廣文助教內坊

丞諸直長內寺伯千牛衛及諸率府長史諸陵丞諸

陵署諸王府判司司竹溫泉監尚書都事都水及諸

摠監丞司天臺丞太子侍醫諸司上局署令及王府

國令苑四面副監公主邑司令各四貫一百十六文國子四

門助教律醫學博士協律郎內謁者諸衛六軍左右

衛率府等衛佐諸王府參軍大農都省兵吏禮考功

主事春坊錄事司竹副監諸司中局署令都水主簿

諸司上局署及監廟邑司丞司天臺靈臺郎保章挈

壺正太嘗針醫及醫監尚藥局司醫各四貫四百七十五文大

祝奉禮省中諸行主事門下典儀御史臺殿中秘書

內侍省春坊詹事府主事諸寺監諸衛六軍諸司錄

事諸司中局署丞及大理獄丞諸司府作監事殿諸

司監錄事殿中省醫佐食醫奉輦司庫司廩奉乘鴻

臚寺掌客司儀太僕寺主乘內坊典直司天臺司辰

司曆監內侍省宮教博士東宮三等主簿太嘗大樂

鼓吹丞醫正按摩呪禁卜筮博士及針醫卜助教國子書筭博士及助教諸王國子丞尉諸總監主簿各一

千九百一 武官左右金吾大將軍各四十五 六軍大將

軍左右金吾將軍各四十 諸衛大將軍六軍將軍各三

十貫 諸衛將軍各二十 諸衛及六軍中郎諸率府率

副率各一十一千五 諸衛及六軍即將諸王府典軍

副典軍各九千 諸衛及六軍司階千牛及左右備身

各五千 諸衛及六軍中候太子千牛各四千一百 諸

三百文 諸衛及六軍司戈太子備身各二千四百 諸衛及六軍

執戟及長上各一千九百 京兆及諸縣官尹八十 少

尹兩縣令各五十 奉先昭應醴泉等縣令司錄各四

貫畿令各四十 判司兩縣丞各三十 兩縣簿尉奉先

等縣丞各三十 奉先等主簿尉諸畿縣丞各二十 畿

簿尉各二十 參軍文學博士錄事各一十 凡百司文

武官共二千七百九十六員文官一千八百五十四

員武官九百四十二員每歲約計加一十五萬六千

貫准舊給數都當二十六萬貫文已來伏望准數起

六月一日納付勅旨依仍令所司起五月一日支給

待豐年無事即准當式處分時常襄與楊縮同掌樞

縮與袞奏請加之判度支韓滉與袞各驛私懷所加

俸料厚薄自已時少列各定月俸為三千五百滉怒

司集張參唯止給二十千袁惡少詹事等甚遂給二十
十五千又太子洗馬實司經局長官文學為之貳袁
有親戚任文學者給十二千而給洗
馬十千其輕重任情時政多如此類

五月中書門下奏得蘇州刺史兼御史大夫知臺事

李涵東都河南江淮山南等道轉運使吏部尚書兼

御史大夫劉晏戶部侍郎專判度支韓滉等狀釐革

諸道觀察使都團練使及判官料錢等觀察使都如

兼使不在每月除刺史正俸料外每使每月請給一

百貫雜給准時價不得過五十貫文都團練副使每

月料錢八十貫文雜給准時價不得過三十貫文觀

察判官與都團練
判官同每月料錢五十貫文支使每月料

錢四十貫文推官每月料錢三十貫文巡官准觀

推官例以上每員每月雜給准時估不得過二十貫

文如以州縣見任官充者月料雜給減半刺史知軍

事每月除正俸外請給七十貫文如帶別使不在加

限雜給准時估不得過三十貫文其州縣課其大都
督府長

史准七府尹例左右司馬
准上州別駕例給料錢刺史八十貫文別駕五十

五貫長史司馬各五十貫錄事參軍四十貫判司三

十貫參軍博士各一十五貫錄事市令等各一十三

貫縣令四十貫丞三十貫簿尉各二十貫謹具條件

如前其舊准令月俸雜料紙筆執衣白直但納資課

等色並在此數內其七府准四月二十八日勅文不該者並請依京兆府例處分其中州中縣以下三分減一分其額內釐務比正官減半其州縣官除差充推官巡官及司馬掌軍事外如更別帶職亦不在加給限勅旨宜依先是天下用兵州縣多以權宜立政官品雖一俸料不等大曆中四方無事宰臣元載王縉耽寵怙權苟以利已為便不循舊式江淮大州至有月給一千貫者山劍諸郡以地貧乏故雖上州刺史月給數千而已至是懲革前失哀多益寡人稍知法六月戶部侍郎判度支韓滉奏准今年四月二十八日恩勅加給京文武九品已上正員官月俸其同中書門下平章事不帶正官勅內元額應簡較官同平

章事並請同正官例就一高處給勅旨依

十二月勅京諸司闕官職田苗子自今以後宜并充脩當司廨宇用其草准式處分仍令分司監察御史

勾當

德宗以大曆十四年五月即位七月以國用未贍其

宣王諱順宗名已下開府儀同三司光祿大夫俸皆罷

給又罷客省之廩每歲萬三十千斛承泰已後益多事四方奏事或

連歲不遣乃於銀臺門置客省以居之及上書言事作旨者亦拘其中動十數歲嘗百餘人蕃戍將吏或貢計未報及失職未叙者又數十百人皆受度支廩給其費甚矣至是皆罷遣之人心悅服

八月勅内外文武官職田及公廩田准式州縣每年

六月三十日勘造白簿申省與諸司文解勘會至十月三十日徵收給付本官近來不守嘗規多不申報給付之際先付清望要官其閑慢卑官即被延引不付自今後准式各令送付本官又准式職田黃籍每三年一造自天寶九載以後更不造籍宜各委州縣每年差專知官巡覆仍造簿依限申交所司不得隱漏及妄破蒿荒如有違犯專知官及本典准法科罪建中三年閏正月勅文武百官每月料錢一百貫以上者三分減一八十貫已上者五分減一六十貫已上者七分減一四十貫已上者十分減一三十貫已

下者不減待兵革寧後仍舊給

與元元年正月勅諸軍諸使諸道應赴奉天及進收京城將士等或百戰摧敵或萬里勤王扞國金城驅除大熟濟危難者其節著復社稷者其業崇我圖爾功特加彙典錫名疇賦永代無窮宜並賜名奉天定難功臣其有食實封者子孫相繼代代不絕十二月詔京官及畿官俸料所司准元數支給自巡幸奉天轉運路阻故百寮俸錢或至闕絕帝愍其貧乏故全給之貞元元年五月禮部尚書李齊運奏當司本錢至少

厨食不免闕絕請准秘書省大理寺例取戶部闕職官錢二千貫文充本收利以助公厨可之

九月八日勅自今應徵息利本錢除生捉逃亡轉徵隣近者放免余並准舊徵收其所欠錢仍任各取當司闕官職田量事糶貨充填本數并已後所舉不得過二十貫

十二月詔曰百辟卿士實惟股肱頃屬艱虞損家狗節累經寇難靡不困窮洎復上京薦遭歉歲官俸既簿公田不收外虧導從之儀內懷凍餒之戚朝列尚爾蒸人何堪軫于深衷良用愧惻應文武嘗參官等

宜其錫錢七萬貫委度支據班秩職事及所損職田多少量等級從今至明年四月以來隨月支結凡厥多士宜悉朕懷是時初復京邑蝗旱穀價翔貴人多困乏帝愍之故賜百官焉

三年十一月勅京官宜加給料錢初張延賞大減黜官員人人骨怨是年李泌作相請復之以從人欲因是罷去兼試額內占闕等官又奏請加百官俸料各擬品秩以定月俸而隨曹署閑劇加置手力資課雜給等帝皆許之人以為便

四年正月中書門下奏京文武及京兆府縣官總三

千七十七員據元給及新加每月當錢五萬一千四百四貫六百一十七文一年都當六十一萬六千八百

百五十五貫四百四文三十四萬八千五百貫四百文舊額二十六萬八千三百

五十五貫一千八百九十員文官二太各二百三公

四文新加侍中中書令各一百六門下中書侍郎左

十貫文右僕射大子三大各一百三六尚書御史大夫大子

三少各一百嘗侍太嘗宗正卿京兆尹各九十左右

丞諸司侍給舍中丞賓客詹事國子祭酒諸卿監內

侍監各八十諫議庶子大堂宗正少卿各七十司業

少詹事諸少卿少監內侍各六十論德諸曹郎中東

官三卿各五十員外郎起居侍御史王府長史著作

郎太子中舍人中允國子博士太嘗宗正殿中秘書

等丞大理正都水使者京都總監內嘗侍各四十補

闕殿中侍御史通事舍人各三十拾遺監察司天少

監王府司馬贊善洗馬奉御陵令內給事典內太嘗

博士司舍太嘗宗正御史臺主簿中書主書門下錄

事各三十大子文學秘書郎著作佐郎城門符寶郎

大學廣文四門博士大理司直大理詹事諸寺監丞

內謁者監中書門下主事各二十評事國子助教王

府諮議友同天正宮正六局郎諸衛六軍長史諸寺

及詹事主簿詹事司直太子通事舍人東宮三寺丞

太子文學廣文助教千牛衛及率府長史七品陵丞

都水丞諸直長各二十貫文四門助教協律郎諸衛及六

軍衛佐較書正字奉禮大稅尚書都事九成宮總監

各十六千文典儀都水主簿率府衛佐諸司主事御史臺

主事各十二貫文諸寺監內侍省詹事府司天臺錄事主

事各八貫文王府掾屬錄事參軍主簿侍御醫兩市令中

書武庫署令武成王廟令司天丞各十貫文內坊丞內寺

主王府判司王府國令諸司上局署令太子侍醫公

伯邑司總監丞司竹溫泉監七品陵廟令司天臺主

簿各六貫文律學博士內謁者王府參軍諸司中局署令

王府大農諸上局署丞邑司丞天靈臺郎保章挈壺

正京苑四面監大嘗醫博士及醫監八品陵廟令尚

藥局司醫司竹溫泉監丞各四貫文諸司中局署丞大理

獄丞鴻臚掌客諸司監善監作監事錄事計官屬佐

食醫掌輦大僕主乘僕寺典乘軍衛率府親勳翊府

兵曹典膳兩令司天臺司農司曆監候內坊典直內

侍省宮教博士大嘗寺樂正及醫卜正九品陵廟丞

苑四面監丞王府國丞尉按摩呪禁筮博士及針醫

助教諸總監主簿國子書筭及律助教各三千文八百九

十六員武官七十二員四品 各一十七千一百三十

六員五品 各一十千 九十六員六品 各七千九 九十

八員七品 各六千一百 一百三十六員八品 各三千

十二文 七十四文 五百五十八員九品 各二千八百七 並雜給

較簿每貫加五百文支給一十員諸衛上將軍左右

衛本料各六十千加糧賜等 每月各糧米六斗 並七

十千五文私馬五匹草三百束料九石七斗五升隨

身十五人糧米九石鹽一斗一升三合五勺春衣布

一十五端絹三十匹冬衣綿細 二員左右金吾衛 並

一十五疋絹三十匹綿三十屯 此 一十二員左右武衛等本料五十五千文加糧料

等 每戶手力五人資七千五百私馬四匹草三百三

十二束料六石六斗隨身一十三人糧米七石八

許春衣布十三端絹二 一十六員諸衛大將軍左右

十六匹綿二十四屯 衛左右金吾衛本料四十千五百續加等 准上隨有

物隨 人減 計左右武衛等雜衛本料三十六千文續加等 減一人餘

每月各手力四人資二千私馬三匹草一百六十束

料四石九斗五升隨身一十八人糧米六石春衣布

一十端絹三十匹冬衣絹十 三十員諸衛將軍左右

匹絹三十四疋綿二十七屯 衛左右金吾衛本料三十六千續加 准 左右武等雜

衛本料三十千續加 每月手力各三人資四千五百

石三斗隨身八人糧米四十八斗春衣布八端絹六

一十六匹冬衣絹八匹絹一十六匹綿十六屯 六

員統軍本料各六十五千續加等 春冬衣一副每月

五勺私馬五匹草料同金 六軍大將軍本料各六十

吾隨身餘准諸衛上將軍 十九

計部 卷之五 百六

千文續加 並准諸衛大將軍 六軍將軍本料三十千文續加

唯左武善 射生神策大將軍本料三十六千文續加

雜衛將軍 私馬五匹草料唯上隨身十四人七人給衣不給料

七人給糧米四石三斗量一斗五升春衣布一十四

端絹二十八匹鞋十四量冬衣絕 射生神策將軍本

料三十千文續加 私馬三匹草料唯上隨身一十二

米三石六斗量九升春衣布十二端絹二十四匹鞋

十二量冬衣絕十二匹絹二十四匹綿二十四屯鞋

十二 京兆府縣官 惟兩縣簿尉減五千文余並同右

中書門下准去年十一月二十八日勅京官宜加料

錢准勅商量謹件如前勅旨依

二月詔以中外給用除陌及闕官俸外官一分職田

停額內官俸及刺史執刀司馬軍事等錢令竇參專

掌之以給京文武官俸料先是京官俸簿多不自贍

帝時命有司厚其月給自是京官益重頗優裕焉初

除陌錢隸度支帝以度支自有兩稅及塩鐵推酒錢

物以充經費是錢宜別貯之給京官俸料之餘以備

他用自此戶部別庫歲貯錢物僅三百萬貫京師俸

料所費不過五十萬貫其京兆和糴物價及度支給

諸軍冬衣或闕悉以是錢充之他用之外嘗貯僅二

百萬貫國計賴焉八月勅准田令永業田職事官從

一品郡王各五十頃國公若職事官正二品各四十

頃郡公若職事官從二品各三十五頃縣公若職事官從三品各二十頃侯若職事官正四品各十四頃伯若職事官從四品各十一頃

五年四月以太子少傅兼禮部尚書蕭昕爲工部尚書前太子少詹事常建爲秘書監並致仕仍給半祿料後授致仕官者並宜准此舊例致仕官給半祿及賜帛其俸料悉絕帝念歸老之臣時命賜其半焉致仕官給半祿料自昕等始也

十二月詔郡縣主聳有正員官停者郡主每季給錢七十千縣主每季給五十千郡縣主聳已亡歿者亦

准此支給先是其主聳或官罷者頗不自給帝務於敦睦故有是命

七年三月戶部奏伏以周漢故事有功卽加地有罪卽奪國旣明賞罰方申沮勸其犯除名以上罪有實封准法合除比來因循兼不申舉自今以後應實封人或緣罪犯其堂省及本軍本使本貫奏狀請令並標實封戶數本犯州各同奏勅下戶部以爲憑據其犯法罪三分望奪一分流罪奪一半除名以上罪卽准法悉除並以本犯條論不在減贖之限其奉特勅貶謫驗制詞內所犯無正條者伏請准流罪奪一半

勅旨依奏

十一月詔郡主聳簡較四品京官者月給三十千歲
給祿粟百二十石縣主聳簡較五品京官者給俸二
十千祿粟百石其正官欲從舉選者聽之如登朝不
用此制

八年七月減山南西道州縣官俸

八月戶部奏准貞元七年三月二十日勅節文比來
食實封人多不依令式皆身歿之後子孫自申請傳
襲伏請自今以後并今日以前應食實封人並一年
內准式具令襲子孫官品年名并母氏嫡庶於本貫

陳牒如無本貫即於食封人本任本使申牒如合襲
人有罪疾及身死者亦限一周年內申牒請立以次
合襲人仍俱家口陳牒請附籍帳本貫勘責當家及
近親如實是嫡長即與責保准式附貫然後申省到
後即取文武職事三品正員一人充保勅旨宜依
十年二月詔曰君臣之際義莫重焉每聞薨殂深用
惻悼宜厚哀榮之禮以申終始之恩文武朝臣有薨
卒者自今以後其月俸料宜全給仍更准本官一月
俸料以爲賻贈若諸司三品已上官及尚書省四品
官仍令有司舉舊令聞奏行弔祭之禮務從優備用

稱朕懷初左庶子雷咸以是月朔卒有司以故事計其月俸以月數給之帝聞之故有是命以廣恩澤無幾有致仕官卒者有司以官雖致仕而朝朔望請悉同正官卒者給賻從之

十一年八月屯田奏諸州府送納內外文武官職田及公廨田四至白簿等前件簿書准天寶十四年八月十二日勅每年六月十三日勘造申省如建本判官牒吏部先用闕本典准法科處者伏以地段佃戶並無改移隨年造簿實有勞費今請令諸州府及畿內縣三年一送違限者准勅科處勅旨每年造簿事

乃近煩三年一申又為大簡如外官並須勘造切慮因此擾人宜令應管京官職田等州府所造文簿二年一送餘依

十二年四月禮部尚書李齊運奏當司本錢至少厨食闕絕請准秘書省大理寺例取戶部闕職官錢二千貫文充本收利以助公厨可之

是年御史中丞王顏奏簡勘足數十王厨二十貫十六

正宅三百九十二貫門下省三千九百七十貫中書省五百

九百九貫集賢院四千四百六十貫崇玄館五百弘文館

七百二十六貫太清宮一千史館一千三百一尚書都

省 一萬二千一百一十五貫文 吏部尚書銓 三千一百八十貫文 東

銓 二千四百四十五貫文 西銓 二千四百三十三貫文 南曹 五百

八十貫文 甲庫 二百八十四貫文 功狀院 二千五百貫文 流外銓 三百

急畫 五百貫文 主事 五百貫文 白院 五千六百二十貫文 考功 一千五

六貫文 司勳 二百二十貫文 兵部 六十五百二十貫文 戶

部 六千貫文 工倉部 四百二十七貫文 兵部 三百貫文 刑

部 六十貫文 禮部 三千五百二十七貫文 工部 四千三百二十九

御史臺 一萬八千五百貫文 東都御史臺 五千貫文 西京觀

察使 五千四十六貫文 三衛使 五百貫文 軍器使 二千一百九

三十 監食使 七十四貫文 祕書省 四千七百貫文 殿中省 二百

太嘗寺 一萬四千二百五十四貫文 大嘗禮院 一千七百

光祿寺 一百五十六貫文 衛尉寺 一千二百四十四貫文 宗正寺 一

大理寺 五千九百二十貫文 大僕寺 三千貫文 鴻臚寺

司農寺 五千六百五貫文 大倉諸色共

大府寺 二千二百八十八貫文 左藏庫將作

中尚 七百七貫文 國子監 三千

詹事府 一千七百一十六貫文 家令寺 七百

左春坊 一百八十四貫文 右春坊 二百

崇文館 八百一十貫文 司天臺 二百八十八貫文 皇城留守 一千

右金吾衛 九千貫文 右金吾引駕仗 三千三百

邦計部 卷之五百六 二十四

文右街使一千八百六十貫八百三十文左金吾衛九千九貫五百文左金

吾引駕仗六千一百二十貫文左街使三千九百一十六貫三百八十文總監

三千京兆府四萬八千八百八十貫文京兆府御廨院二

五百貫文

十四年六月判度支于頔請收百官闕職田以贍軍

須從之

十五年十二月詔今年十月三日詔權減諸道

刺史判軍事料及專知勾當加手力課并減縣官毛

力門倉獄子園子館鐸廨宇等錢宜一切却仍舊初

獻計者言收諸道軍事錢及手力資課等當得百數

十萬貫可以助軍興于頔時判度支又贊成之及第

計大數止於三十萬貫而數中更有耗柝雜破總十

餘萬貫輿議甚以為不便帝臯張建封又相次表言

所得至微所失大體因此人心頗不安故命復封也

